

**Ammasumik ataatsimiinnermi oqaluuserisassat:**

**Imm. 01**      **Oqaluuserisassat akuersissutigineri**

**Imm. 02**      **Aningaasaqarnermut tunngasut  
2019-imut missingersuutitut ukiunullu 2020-mit 2022 tikillugu  
missiliuteqarfinnut siullermeerinnineq**

**Imm. 03**      **Sisimiuni Kangerlussuarmilu Katersugaasiviit 2017-imiit 2018-imut  
aningaasanik nuutsineq**

**Imm. 04**      **Suliassat nalinginnaasut  
2019-imi akigititat, Teknikki Pilersuinerlu**

**Imm. 05**      **Sisimiuni mittarfimmut aqqusinermi Asummiuni illuaqqanik  
sanaartorsinnaanermut kommunip pilersarusiorfigineqarnerani  
tapiliussassatut nr. 59-itut siunnersuut**

**Imm. 06**      **Maniitsumi umiarsualivimmi nunaminertat annertusineqarnissaat pillugit  
kommunip pilersarusiorfigineqarneranut tapiliussassatut siunnersuutip nr.  
61-ip inaarutaasumik akuersissutigineqarnera**

**Imm. 07**      **Pinerlussimasunik isumaginnittoqarfiup suleqatiginnikkumanera**

**Imm. 08**      **Paasissutissiissutit  
Mittarfiit aaqqissuuteqqinneqarnissaanni aningaasaqarnermut tunngatillugu  
paasissutissat**

**Imm. 09**      **Ataatsimoorussamik Atammik/Napasog nunaqarfinni aqutsisuniit Naja P.  
Josefsen-ip tunuarnissamik qinnuteqaataa**

**Imm. 10**      **Tamalaat**

Ataatsimiinneq videokonference atorlugu ingerlanneqassaaq aallartissallunilu nal. 08.30

Peqataasut:

***Atassut***

Anna Karen Hoffmann  
Emilie Olsen

***Inuit Ataqtigiit***

Sofie Dorthe R. Olsen  
Aksel L. Olsen, *Juliane Enoksen-imut sinniisussatut*

***Partii Naleraq***

Malene Ingemann

***Siumut***

Malik Berthelsen  
Evelyn Frederiksen  
Gideon Lyberth  
Karl Lyberth  
Frederik Olsen,  
Hans Frederik Olsen  
Efraim Olsen, *Jakob Olsen-imut sinniisussatut*

***Nalunaaqqaarlutik peqataannngitsut***

Jakob Olsen  
Juliane Enoksen  
Siverth K. Heilmann  
Erneeraq Poulsen  
Ruth Heilmann,

**Imm. 01 Oqaluuserisassat akuersissutigineri**

**Aalajangiineq**

Oqaluuserisassat akuersissutigineqarput. Hans Frederik Olsen tamalaani eqaavilerineq pillugu apequtissaqarpoq.

**Imm. 02      2019-imut missingersuutitut ukiunullu 2020-mit 2022 tikillugu  
missiliuteqarfinnut siullermeerinnineq**

*Journalnr. 06.01.01*

Tunuliaqutaq

2018-imi maajip 15-iani Aningaasaqarnermut ataatsimiititaliaq (AA) 2019-imut missingersuutitut ukiunullu missiliuteqarfinnut piffissaliussatut pilersaarummik kiisalu 2019-imut missingersuutitut aningaasaqarnikkut killiussassanik aalajangiivoq (AA 04/2018 imm. 11). Immikkoortumilu tassani 2019-imut tunngaviusumik missingersuutitut ukiunullu 2020-mit 2022 tikillugu missiliuteqarfiusunut AA killiliussassanik aalajangiilluni.

Politikkikkut partiit, ataatsimiititaliat nunaqarfinnilu aqutsisut 2019-imut missingersuutissanut, ukiunullu missiliuteqarfiusussanut kissaatitik 2018-imi juunip 20-ani nassiuppaat, tamannalu tunngavigalugu kommunalbestyrelsi 2018-imi aggustip 29-ani missingersuutissat pillugit isumasioqatigiippoq.

Maleruagassanut tunngavissat

Kommunit missingersuusiortarnerat, aningaasanik tigorianaateqarnerat, naatsorsuutaat, kukkunersiuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 26. juli 2012-imeersoq Qeqqata Kommunianut karseqarnermut naatsorsuuserinermullu malittarisassat.

Pissutsit atuuttut

**2018-imut missingersuutissat, ukiunullu 2019-imit 2021-p tungaanut  
missiliuteqarfiusussanut tunngatillugu siusinnerusukku aalajangiiffisat pillugit**

2018-imi maajip 15-iani 2019-imut tunngaviusumik missingersuutitut ukiunullu 2020-2022-mut missiliuteqarfiusunut, AA ataatsimiinnermini killiliussassanik aalajangiivoq. Ilaatigut tunngaviusumik missingersuutitut akissarsiasanut akinullu 1,38 procentimik qaffariaateqarluni.

Tamatuma kingorna Kommunalbestyrelsip ataatsimiittarnermini 2018-imut immikkut aningaasaliissutissanik nuussinernillu akuersissuteqarpoq, aalajangiinerilli aningaasaatit saniatigut, 2019-imut missingersuutitut ukiunullu missiliuteqarfiusunut kalluaanngillat.

Aaqqiissutit tamakku naammassineqareernerini, 2019-imut missingersuutissatut kiisalu ukiunut 2020-imit 2022 tikillugu missiliuteqarfiusunut siunnersuutit tullinnguuttut isikkoqalerput:

2019-imut missingersuutitut ukiunullu 2020-mit 2022-p tungaanut missiliuteqarfiusunut 2018-imi septembarip aqqarnani Winformatik-imit ilanngussaq 1-itut anillatsinneqartut innersuussutigineqarput, taamatullu eqitsit 1-imi takuneqarsinnaallutik.

Eqitsit 1: 2019-imut missingersuutissat, ukiunullu 2020-mit 2022 tikillugu missiliuteqarfiusunut tunngaviusumik missingersuutissat:

Kontop taaguutaa	M 2019	O 2020	O 2021	O 2022
Allaffissornermut tunngasut	108.652	108.652	108.652	108.652
Teknikki Avatangiisillu	42.212	42.212	42.212	42.212

**Kommunalbestyrelsip septembarip 27-ani 2018-imi ileqquusumik ataatsimiinnerata 05/2018  
imaqarniliornera**

Suliffeqarneq inuussutissarsiornerlu	28.152	28.152	28.152	28.152
Ilaqtariinnermut tunngasut	239.665	239.665	239.665	239.665
Ilinniartitaaneq kulturilu	234.617	234.616	234.616	234.616
Pilersuineq	2.023	2.023	2.023	2.023
<b>Ingerlatsineq katillugit</b>	<b>655.321</b>	<b>655.320</b>	<b>655.320</b>	<b>655.320</b>
Sanaartorneq katillugit	96.250	133.212	74.212	74.212
<b>Aningaasartuutit katillugit</b>	<b>751.571</b>	<b>788.532</b>	<b>729.532</b>	<b>729.532</b>
Isertitat	-765.252	-765.252	-765.252	-765.252
<b>Ingerlatsinermi angusat</b>	<b>-13.681</b>	<b>23.280</b>	<b>-35.720</b>	<b>-35.720</b>
Killiffimmi nikeraatit	18.769	18.769	18.769	18.769
<b>Oqimaaqatigiisitsineq</b>	<b>5.088</b>	<b>42.049</b>	<b>-16.951</b>	<b>-16.951</b>
Ukiup aallartinnerani aningaasaatit uninngasuutit	74.968	69.880	27.831	44.782
Ukiup naanerani aningaasaatit uninngasuutit	69.880	27.831	44.782	61.733

Ukiup aallartinnerani aningaasaatit uninngasuutit 2019-imut naatsorsorneqarnerat, 2018-imi aggustimi aningaasaqarnikkut malitseqartitsinermi karsimi uninngasuutit tunngavigalugit naatsorsorneqarput. 2018-imut sanaartornermut aningaasaliissutit 2018-imi tamakkerlugit atornerqarnissaat naatsorsuutigineqarpat, tamanna 2018-ip aallartinnerani 75 mio. koruuninik uninngasuutinut kinguneqartitsissaaq.

### **Kommunip isertitai pillugit**

Kommunit qitiusumik oqartussanit isertitaat allangornissaat pillugit arlalinnik nalunaaruteqartoqarnikuvoq.

#### **a. Inuit isertitaannik akileraarutit**

2018-imi aggustip qulingani Akileraartarnermut Aqutsisoqarfik allakkatigut nalunaaruteqarpoq, 2019-imut akileraarutit siumut tunniunneqartussatut naatsorsorneqartut 372 mio. koruuniussasut, imaappoq akileraarutit siumut tunniunneqartartussat qaammammut 31,0 mio. koruuninik annertussuseqassasut. Tamatumalu saniatigut 2017-imut naleqqussaannermi 11,7 mio. koruuniullutik, imaappoq qaammammut 975 t. koruunit. 2019-imi ataatsimoortumik akileraarutissaq 383.697.183 koruuniussasooq, qaammammut naatsorsorlugu 31.974.765 koruuniussasooq naatsorsuutigineqarpoq. Ilanngussaq 2 innersuussutigineqarpoq.

2019-imut missingersuutini inuit akileraarutaannut atuiffik 80-imut tamarmut 349,4 mio. koruunit tunngaviumsumik missingersuutinut ikkunneqarnikuupput, takuuk ilanngussaq 1. 2019-imi inuit akileraarutaannut 383,7 mio. koruunit, imaappoq 2019-imut 372 mio. koruunit, 2017-imullu akileraarutinik nalimmassaaneq tunuliaqutaralugu 11,7 mio. koruunit iluarsiiissutissatut. Atuiffinnut taakkununga marluusunut 2019-imut tunngaviumsumik missingersuutissanut pitsanngoriaat 36,3 mio. koruuniuvoq. Illuatungaani sionatigut pensionisialinnut tunngatillugu taarsiissutitut tiguneqartartut 1 mio. koruunit missingersuutitigut ilutigalugu iluarsiiissutigineqartariaqarput, taakku akileraarutit nutaamik aqqiissuteqqinneqarnerini tiguneqartarunnaarnikuummata. Taamaalilluni inuit akileraarutaannut atuiffik 80-imi 2019-imut 35,3 mio. koruuninik pitsaanerupput.

**Kommunalbestyrelsip septembarip 27-ani 2018-imi ileqquusumik ataatsimiinnerata 05/2018  
imaqarniliornera**

2020-2022-mut Akileraartarnermut Aqutsisoqarfik innersuussuteqanngilaq, 2020-2022-mulli inuit isertitaannit akileraarutitut, Akileraartarnermut Aqutsisoqarfiup 2019-imut naatsorsuutigisaat, tassa 372 mio. koruunit aallaavigineqarlutik 2020-2022-mut tunngaviusumik missingersuutitut innersuussutigineqassapput, imaappoq tunngaviusumik missingersuutitut nalunaarsorneqartunut sanilliullugu 23,6 mio. koruuninik pitsanngoriaateqarluni.

Allannguutissatut taakkartorneqartut, 2019-imut missingersuutissanut, ukiunullu 2020-imit 2022 tikillugu missiliuteqarfiusunut ilanngunneqassasut siunnersuutigineqarpoq. Maluginiaqquneqassaaq, ukiunut tulluuttunut aningaasaqarnikkut ineriartornerup qanoq isikkoqarnissaa nalileruminaammat.

b Ataatsimut tapiissutit

Naalackersuisut 2019-imut inatsisissatut siunnesuutitigut, missingersuutitut tapiissutissanut 20.05.20 "Kommuninut ataatsimut tapiissutit"-ni Qeqqata Kommunianut 2018-imi ataatsimut tapiissutissatut 280,4 mio. koruunit nalunaarsorsimavaat, tamatumani 2018-imut missingersuutissat, ukiunullu 2019-imit 2021 tikillugu missiliuteqarfiusussat aallaavigineqarlutik.

2019-imut tunngaviusumik missingersuutitit ukiunullu missiliuteqarfiusunut 253,4 mio. koruunit immikkoortinneqarput. Ilanngussaq 3 innersuussutigineqarpoq.

2019-imut ukiunullu 2020-22-mut missiliuteqarfiusunut missingersuutitigut tapiissutit aallaavittut 3 mio. koruuninik ajorseriaateqarput, matumanilu pingaanertut Namminersorlutik Oqartussat kommuninut ataatsimut tapiissutaanit sipaarniarneq patsisaalluni, tamanna namminersortunngornissamut tapiissutit isigineqarlutik.

c Nalimmassaanissamik aaqqissuussineq

2019-imut missingersuutissani, ukiunullu 2020-imit 2022 tikillugu missiliuteqarfiusuni Qeqqata Kommunianut nalimmassaarutissaq 113,8 mio. koruuniuvoq, nalimmassaarutissat 120,7 mio. koruuniussasut Akileraartarnermut Aqutsisoqarfiup nalunarutiginiuuuaa, takuuk ilanngussaq 2. Tamanna 2019-imut missingersuutissani, ukiunullu 2020-mit 2022 tikillugu ukiumut 6,9 mio. koruuninik pitsanngoriaataavoq.

Tunngaviusumik missingersuutitut sanilliullugu siuliani taaneqarlutik isertitassatut allannguutissat, eqitsit 2-mut ilanngunneqarput:

Eqitsit 2: Tunngaviusumik missingersuutitut sanilliullugu isertitassat allannguutaat (1000 kr.)

Atuiffik	Isertitat iluarsisutaat (t kr)	2019	2020	2021	2022
80-01	Ukiunut matumunnga inuit isertitaannit akileraarutit	-24.600	-24.600	-24.600	-24.600
80-01	Ukiup siuliani inuit isertitaannit akileraarutinik naleqqussaaneq	-11.697	0	0	0
80-01	Taartisineq	+1.000	+1.000	+1.000	+1.000
83-01	Ataatsimut tapiissutit	+3.007	+3.007	+3.007	+3.007
83-01	Akileraarutitut nalimmassaatit	-6.911	-6.911	-6.911	-6.911
	<b>Katillugit</b>	<b>-39.201</b>	<b>-27.504</b>	<b>-27.504</b>	<b>-27.504</b>

**Kommunalbestyrelsip septembarip 27-ani 2018-imi ileqquusumik ataatsimiinnerata 05/2018  
imaqarniliornera**

2019-imi missingersuutini ukiunnullu 2020-imiit 2022-p tungaanut missiliuuteqarfiusuni pitsaasumik akiliisinnaassutsimut sunniutilimmiit tunngaviusumik missingersuutitut sanilliullugu isertitaqarnerusinnaaneq takuneqarsinnaavoq.

**Isertitat ilanngunneqarnerisigut aningaasaatit pillugit**

Eqitsit 1 aamma 2 tunuliaqutaralugit, aningaasaatit tulliuuttut naatsorsorneqarsinnaapput:

Eqitsit 3: Isertitat ilanngutereernerisigut oqimaaqatigiissitsineq/aningaasaatit (1.000 kr.)

Kontop taaguutaa	Missingersuut issatut siunnersuut 2018	Missiliuut 2019	Missiliuut 2020	Missiliuut 2021
<b>Oqimaaqatigiissitsineq (Tunng.missingersuut)</b>	<b>5.088</b>	<b>42.049</b>	<b>-16.951</b>	<b>-16.951</b>
Isertitat allannguutaat (eqitsit 2)	-39.201	-27.504	-27.504	-27.504
<b>Oqimaaqatigiissitsineq/aningaasaatit</b>	<b>-34.113</b>	<b>14.545</b>	<b>-44.455</b>	<b>-44.455</b>

Erseqqissaat: (-) isertitaqarnerunermik isumaqarpoq.

**2019-imut missingersuutissanut, ukiunullu 2020-imit 2022 tikillugu missiliuuteqarfiusussanut sanaartortitsinissamut missingersuutissat pillugit.**

Ukiut siulii assigalugit, 2019-imut Aningaasanut inatsimmut ilanngunneqarnissaat siunertaralugu, Qeqqata Kommunian 2018-imi marsimi Namminersorlutik Oqartussanut sanaartortitsinissamut kissaatinik nassiussivoq. Kissaataasut ilarpaalui Qeqqata Kommunianit 50 procentimik aningaasaleeqataanissamik imaqarput. Naalakkersuisut 2019-imut aningaasanut inatsisissatut siunnersuutiminni, Qeqqata Kommuniata sanaartortitsinissamut qinnuteqaatai aningaasaliiffigisimangilai, takuuk missingersuutissat pillugit isumasioqatigiinnermi saqqummiussaq.

Namminersorlutik Oqartussat 50 procentimik aningaasaliisinnaappata, sanaartugassanut arfinilinnut, 2018-imi kingusinneruskulluunniit sanaartorneqartussanut aningaasaliissutit 2018-imut missingersuutissani ilanngunneqarput. Matumani utoqqarnut piginnaanerusunut inissianut, ataatsimut sanaartortitsinernut, illoqarfinni marluusuni puigortunngortunut immikkoortortanut innarluutilinnullu centerinut, Sisimiuni ikuallaavimmut kiisalu Sisimiut Kangerlussuullu akornanni aqqusinniornissamut pilersaarusiornissat pineqarput.

Eqitsit 4: Namminersorlutik Oqartussat aningaasaleeqataaffiginngisaanik 2018-imi ukiumut missingersuutitut aammalu 2019-imut missingersuutitut ukiunullu missiliuuteqarfiusunut sanaartornissamut pilersaarutit.

Atuiffik	Kontop taaguutaa	Aningaas. 2018	Miss. 2019	Missiliuut 2020	Missiliuut 2021	Missiliuut 2022
70-48-00	Utoqqarnut inissiat	1.000	0	0	0	0
70-98-00	Ataatsimut sanaartortitsineq	0	10.000	10.000	10.000	10.000

**Kommunalbestyrelsip septembarip 27-ani 2018-imi ileqqusumik ataatsimiinnerata 05/2018  
imaqarniliornera**

72-94-10	Sisimiut Kangerlussuullu akornanni aqqusineq	0	0	20.000	0	0
74-17-10	Sisimiuni Puigortunngortut immikkoortortaq	500	4.500	4.000	0	0
74-17-20	Maniitsumi Puigortunngortunut immikkoortortaq	500	4.500	4.000	0	0
74-38-00	Sisimiuni Maniitsumilu innarluutilinnut centeri	200	10.000	10.000	0	0
76-25-10	Sisimiuni ikuallaavik	0	0	10.000	0	0
	<b>Katillugit</b>	<b>2.200</b>	<b>29.000</b>	<b>58.000</b>	<b>10.000</b>	<b>10.000</b>

2018-imut missingersuutit aappassaaneerneqarneranut atatillugu, ukiunut missiliuteqarfiusunut aningaasanik immikkoortitsinertaqanngitsumik, utoqqarnut inissiassanut pilersaarusiornissamut 1 mio. koruunit immikkoortinneqarput. Kommunip missingersuutaanut imaluunniit Aningaasanut inatsisissatut Siunnersuummi aningaasanik immikkoortitsisoqarnikuunngimmat, pilersaarusiorneq aallartinneqanngilaq.

2017-imut missingersuusiordermi, ukiunullu 2018-imiit 2020 tikillugu missiliuteqarnermi, Sisimiut Kangerlussuullu akornanni aqqusinnermut aningaasanik immikkoortitsisoqarpoq kiisalu 2020-mut missiliuteqarfimmuut ikuallaavimmuut aningaasanik immikkoortitsisoqarluni, tassani ukiunut missiliuteqarfiusussanut aningaasaliissutissat sinnerinik immikkoortitsinissaq siunertaalluni. 2018-imut missingersuutinut kiisalu 2019-imut missingersuutinut killiliussanut ukiunullu missiliuteqarfiusunut tamanna malitseqartitsivigineqanngilaq.

2019-imi januaarip aallaqqaataani ineqarnermut tunngasunik kommunit tigusissasut naatsorsuutigineqanngilaq, taavalu utoqqarnut innarluutilinnullu tunngatillugu sanaartortitsisarnerit kommunit tamakkiisumik tigussaneraat ersarissumik suli pilersaaruteqartoqarani. Ilutigalugu innarluutilinnut centerissat qanoq ilusilersorneqarnissaat/atorneqarnissaat pillugu kommunip nammineq pilersaarutai suli iluamik inissinneqarnikuunatik. Namminersorlutik Oqartussat aningaasaleeqataaffiginngisaanik, inissianik innarluutilinnut ornittakkamik kommuni suli sanaartunngilaq. Kommunip sanaartornissamut kissaataanik Namminersorlutik Oqartussat pingaartitsinngippata, missingersuutini sanaartugassanik Namminersorlutik Oqartussanit aningaasaleeqataaffiginissaanik pisariaqartitsisunik uninngatitsinissaq naapertuutinnigilaq. Taamaattumillu eqitsit 4-mi aningaasaliissutit peernissaat naapertuunnerussaaq, 2018-imi utoqqarnut inissianut, innarluutilinnut centerinut kiisalu puigortunngortunut immikkoortuttanut pilersaarusiornissamut/sanatitsisup siunnersuusiornissaanut 200.000 koruunit minillugit.

Inissialiortitsinerit, aqqusineq ikuallaavillu missingersuutit pillugit isumasioqatigiisitsinermi pingaarnersuineq naapertorlugu tulliuttumut ilanngunneqassapput.

**2019-imut missingersuutissanut, ukiunullu 2020-imiit 2022 tikillugu missiliuteqarfiusussanut missingersuutissanut kissaatit pillugit.**

Missingersuutit pillugit isumasioqatigiisitsinermi missingersuutitigut kissaatit nutaat misissuataarneqarput, suleqatigiisitanut pingasunut agguataarlugit sularineqarlutik. Suleqatigiisitanu pingasuusuni pingaarnersuinerit ilanngussaq 5-imi atuarneqarsinnaapput.



**Kommunalbestyrelsip septembarip 27-ani 2018-imi ileqquusumik ataatsimiinnerata 05/2018  
imaqarniliornera**

Suleqatigiissitat tullerriaarineri innersuussutaallu tunuliaqutaralugit siunnersuutigineqarpoq, 2019-  
imut missingersuutissanut, ukiunullu 2020-imit 2022 tikillugu missiliuuteqarfiusussanut  
missingersuutitigut kissaatit tullinnguuttut ilanngunneqassasut. Suleqatigiissitani pingasuusuni  
siunnersuutit tallimat siulliit pingaarnerutinneqarput, tullinnguuttullu sisamat suleqatigiissitanit  
marluusunit pingaarnersiugaallutik.

Missingersuutitigut kissaatit kiisalu 2018-imut missingersuutissani, ukiunullu 2019-imit 2021  
tikillugu missiliuuteqarfiusussanut ingerlatsinermi aningaasaqarnikkut sunniutaasussat eqitsimmi  
allassimapput.

Eqitsit 5: 2018-imut missingersuutissanut, ukiunullu 2019-imit 2021 tikillugu  
missiliuuteqarfiusussanut ingerlatsinermut sanaartortitsinermullu missingersuutissanut kissaatit  
(1.000 kr.)

Nr.	Missingersuutitut kissaat	2019	2020	2021	2022
	Sanaartorfigissaanermut agguaatassat	8.000	8.000	8.000	8.000
	Kangerlussuup Aasivissuillu akornanni aqqusineq	22.000	5.000		
	Innarluutilinnut atuarfik	200	8.000		
	Puttasunik piniartunullu atugassarititaasunik pitsanngorsaaneq	2.000	2.000	2.000	2.000
	Inissiat nutaat, puigortunngortunut immikkoortortat ilanngullugit	10.000	30.000	30.000	30.000
	Sisimiuni ikuallaavissamut nutaamut piareersarneq	500			
	Sisimiuniit nunaqarfinniillu eqqakkanik Maniitsumut (imaluunniit Nuummut) nassiussuineq	3.000	3.000		
	Kuuffissualersuinissamut agguaatassanik marloriaatinngortitsineq	3.000	3.000	3.000	3.000
	Nunaqarfinni aqqusineqarnikkut pissutsit	2.000	2.000	2.000	2.000
	<b>Katillugit</b>	<b>50.700</b>	<b>61.000</b>	<b>45.000</b>	<b>45.000</b>

Eqitsik 5-imut atatillugu, Sisimiuni ikuallaavissamut nutaamut piareersaanissamut 500.000 koruunit  
kisimik immikkoortinneqarput, tassani siunissami ikuallaaveqarneq pillugu nuna tamakkerlugu  
aaqqissuussaanaissap suli ersarissarneqarsimannginnera patsisaavoq, taamaalillunilu ikuallaavimmik  
nutaamik sanaartornissaq aningaasaliissuteqarnissarlu, kommunini ataatsimoorussamik  
eqqaavilerinermik suliffeqarfeqarnikkut ingerlanissaa naatsorsuutigineqarluni. Ikuallaavimmik  
nutaamik sanaartortoqarnissaanut, Sisimiuniit Maniitsumut imaluunniit Nuummut eqqakkanik  
nassiussuisarnissaq pisariaqassaaq. Taamatullu nunaqarfinniit.

Tullinnguuttutitigut eqitsit 6-imi missingersuutitigut kissaatit ilanngunneqarnerisigut kiisalu  
ilaqutariinnermut ataatsimiititaliamut 10 mio. koruuninik immikkut aningaasaliisoqarnissaanik  
naatsorsuuteqarnikkut, aningaasaqarnikkut atuilluartuuneq takuneqarsinnaavoq. Immikkut  
aningaasaliiffigineqarnissamut suliaq ataatsimiititalianut Kommunalbestyrelsimullu 2018-imi  
oktobarimi saqqummiunneqarnissaa naatsorsuutigineqarpoq, matumani 2019-imut missingersuutit  
aappassaaneerneqartussaassallutik. Ukiuni kingullerni aningaasaqarnikkut ingerlalluarsimanerup  
kingunerisaanik, kommunit aningaasat uninngasuutaat, 2020-mi amigartoorutissanut kiisalu

**Kommunalbestyrelsip septembarip 27-ani 2018-imi ileqquusumik ataatsimiinnerata 05/2018  
imaqarniliornera**

kommunimi illoqarfinni marluusuni naluttarfittaarnissamut suliniutinut aningaasaleeqataaneranut matussusiinissaat pingaarnerutittariaqarpoq.

**Aningaasatigut atorsinnaasat pillugit**

Eqitsit 6: Missingersuutissanut kissaatit ilanngukkaanni aningaasaatigut nammassinnaassuseqarneq.

<b>Atuiffik</b>	<b>Kontop taaguutaa</b>	<b>Missingersuut issatut siunnersuut 2019</b>	<b>Missiliuut 2020</b>	<b>Missiliuut 2021</b>	<b>Missiliuut 2022</b>
	<b>Oqimaaqatigiissitsineq (Tunng.missingersuut)</b>	<b>5.088</b>	<b>42.049</b>	<b>-16.951</b>	<b>-16.951</b>
	Isertitat allannguutaat (eqitsit 2)	-39.201	-27.504	-27.504	-27.504
	Namminersorlutik Oqartussanit aningaasaleeqataaffigineqarnissa tut amigaataasut (eqitsit 4)	-29.000	-58.000	-10.000	-10.000
	Missingersuutissanut kissaatit nutaat (eqitsit 5)	50.700	61.000	45.000	45.000
	Ilaqutariinnermut ataatsimiititaliamut ingerlatsinnermut aningaasaliissutit	10.000	10.000	10.000	10.000
	<b>Siullermeerinninnermi oqimaaqatigiissitsineq/aningaa satigut atorsinnaasat</b>	<b>-2.413</b>	<b>27.545</b>	<b>545</b>	<b>545</b>

**Akigititat, sulisut amerlassusiisa allattorsimaffiat, qinikkanullu akissaatit pillugit.**

Paasissutissiissutigineqassaaq akigititat, sulisut amerlassusiisa allattorsimaffiat qinikkanullu akigititat aappassaaneerinnermi saqqimmiunneqassammata.

Atuilluartuunissakkut kingunerisinnaasai.

2019-imut missingersuutissat siullermeerneqannginnerani, isertitat, aningaasartuutit kiisalu aningaasaatit uninngasuutit akornanni aningaasaqarnikkut oqimaaqatigiipput.

Aningaasaqarnikkut allaffissornikkullu kingunerisinnaasai

Atuilluartuunissamik kingunerisinnaasaani taakkartorneqartut aallaavigalugit, 2019-imit 2022 tikillugu kommunip aningaasaqarnera siunnerfilimmik ingerlavoq. Akileraarutip procentiata allannguuteqannginnissaanut kiisalu sanaartortitsinerup annertusinissaanut siusinnerusukkat anguniakkat attatiinnarneqarsinnaapput.

Allaffeqarfiup naliliinera

Allaffeqarfimmit immikkut maluginiaqquneqarpoq, kommunip isertitaasa aningaasartuutaasalu maannakkut naliliiffigineqarnerat, Namminersorlutik Oqartussat aningaasaleeqataaffigisaannik

sanaartortitsinissamat innersuussutit kiisalu 2019-imut missingersuutissanut, ukiunullu 2020-imit 2022 tikillugu missiliuuteqarfiusussanut missingersuutissanut kissaatit innersuussutigineqartut naapertorlugit, 2019-imut missingersuutissani, ukiunilu 2020-imit 2022 tikillugu missiliuuteqarfiusussani isertitassat, aningaasartuutissat aningaasaatillu uninngasuutissat oqimaaqatigiimmata.

2019-imut Aningaasanut inatsisissatut siunnersuut, Qeqqata Kommunianullu aningaasaliissutigineqarsimangitsut allaffeqarfiup maluginiaqquai.

Ilutigalugu uparuarneqassaaq, sanaartugassanut akisussaaqataanernut tunngasunut Namminersorlutik Oqartussat kommunip sanaartortitsinissanik qinnuteqaataannik tapersiiumangippata, suliniutit taakku Namminersorlutik Oqartussat tapiiffiginissaasa tungaanut inuutissarsiutitigut ineriartortitsinissat, ilinniartitaaneq, sunngiffik, ilaqtariinnermut politikkip ineriartortinneqarnissaa kiisalu sulisoqarnerup ineriartortinneqarnissaa kommunimit suli immikkut sammigallarneqarunik ajunnginnerussaaq.

#### Allaffeqarfiup innersuussutaa

Missingersuutissatut siunnersuutigineqartut aallaavigalugit allaffeqarfiup innersuussutigaa, kommunalbestyrelsimit akuereqqullugu aningaasaqarnermut ataatsimiititaliap innersuussutigissagaa,

1. akileraarutitigut isertitassatut, ataatsimoortumik tapiissutit kiisalu nalimmassaarinnissamat ilusissatut qitiusumik nalunaarutigineqartut akuersissutigineqassasut, missingersuutissanullu ilanngunneqarlutik, takuuk matumap siuliani eqitsit 2
2. 2018-imut missingersuutininut aningaasaleeqataaffiullutik sanaartugassatut suliniutit ilanngunneqarsimasut peerneqassasut, takuuk matumap siuliani eqitsit 4.
3. Kissaatit nutaat akuersissutigineqassasut, 2019-imullu missingersuutissanut, ukiunullu 2020-imit 2022 tikillugu missiliuuteqarfiusussanut ilanngunneqassasut, takuuk eqitsit 5
4. aappassaaneerinnginnermi, utoqqarnut, puigortunngortunut, innarluutilinnut, ilinniartunut, sulisunut kiisalu nalinginnaasumik inissianut inissialiornissamat agguaassasat pillugit, agguaanneqarnissaannut politikikkut partiit isumaqatigiissuteqassasut.
5. inuit akileraarutaat 26 procentusooq, 2019-imi attatiinnartinneqassasooq

#### Aningaasaqarnermut ataatsimiititaliap suliamik suliarninnera

Ataatsimiititaliap septembarip 18-iani 2018 ataatsimiinnermini innersuussut akuersissutigivaa. MISI-mut tunngasooq aappassaaneernissamat misissorneqassaaq.

#### **Innersuussut**

Aningaasaqarnermut ataatsimiititaliap Kommunilbestyrelsimut innersuussutigivaa,

1. akileraarutitigut isertitassatut, ataatsimoortumik tapiissutit kiisalu nalimmassaarinnissamat ilusissatut qitiusumik nalunaarutigineqartut akuersissutigineqassasut, missingersuutissanullu ilanngunneqarlutik, takuuk matumap siuliani eqitsit 2

2. 2018-imut missingersuutitut aningaasaleeqataaffiullutik sanaartugassatut suliniutit ilanngunneqarsimasut peerneqassasut, takuuk matumap siuliani eqitsit 4.
3. Kissaatit nutaat akuersissutigineqassasut, 2019-imullu missingersuutissanut, ukiunullu 2020-imit 2022 tikillugu missiliuuteqarfiusussanut ilanngunneqassasut, takuuk eqitsit 5
4. aappassaaneerinnginnermi, utoqqarnut, puigortunngortunut, innarluutilinnut, ilinniartunut, sulisunut kiisalu nalinginnaasumik inissianut inissialiornissamut agguaassasat pillugit, agguaanneqarnissaannut politikikkut partiit isumaqatigiissuteqassasut
5. inuit akileraarutaat 26 procentusooq, 2019-imi attatiinnartinneqassasooq
6. MISI-mut tunngasooq aappassaaneernissamut misissorneqassasooq

### **Aalajangiineq**

Aappassaaneernissamut makkua misissorneqassapput:

#### Malene Ingemann:

Ukioq manna tunisarneq appariangaatsiarsimavoq, allannguutit taakku 2019-imut missingersuusiornermi eqqarsaatigineqarsimanerlutik?

Pitsaanerusumik assigiissaarnerusumillu kommuneqarnissaq pillugu.

Ukioq kingulleq siuliinilu missingersuutit pillugit isumasioqatigiinnerni aningaasaqarnerup illoqarfinnut agguataarneqartarnera eqqartorneqartarpoq, aningaasaqarnermi 50/50-imik agguataarneqartarpoq, naak illoqarfiup aappaanut sanilliullugu aappaa 2800 missaanik inuttunerusooq. Tamanna ukiup tullissaani eqqartorneqassasooq, ukioq kingulleq oqaatigineqaaqqippooq. Ukioq ataaseq qaangiuteqqereerpoq (ukiuni siuliini tamanna uanga qaqqinnikuunnikkaluarlugu, ukioq kingulleq missingersuutit pillugit tullissaanik isumaqatigiinniarnermi qaqqinneqarnissaanik erseqqissaasooqarsimaneq eqqaasissutigilaassavara), tamanna eqqartornissaa "mianernarmat" kinguarateqqissaneripput apeqqutaaginnalerpoq? Agguaassineq eqqortuunersooq pillugu, kommunalbestyrelsimi ilaasortaasugut akisussaassuseqarluta eqqartuerusunnginnermiit eqqartueqatigiittariaqarpugut, aamma eqqartugassaq ajornakusooraluarpalluunniit. Imaassinnaavoq 50/50-imik agguaassisarneq aqqiissut eqqortuusut isumaqatigiittugut, tamannali aqqiissutip tunngavissaqarluarneranik innuttaasunut illersorsinnaanarlugu, sapiissuseqarluta eqqartueqatigiinnissaq amigaatigaarput. Ullumikkut pissutsit piviusut tamakkiisumik ilisimannnginnatsigit taamaaliorsinnaanngilagut. KB-milu ammasumik pitsaasumillu eqqartueqatigiissinnaagaanni iluassagaluarpoq.

#### Frederik Olsen:

Ataatsimiiitalianut ataavartunut budget 2019 tusarniutigineqassasooq Aalisartunut piniatunullu atugassarititaasut 10 mio. Kr.-nut qaffannissaat illoqarfinni aqqusernit nutarteriffigineqarnissaat aningaasaliiffigalugu.

Emilie Olsen:

Oqaasseqaatissara angerlarsimaffeqanngitsut atugaasa oqilisarnissaat ineqarnikkut , aammalu Kolligianut sooq inissinneqarsinnaanngillat ilinniarfissaminnit akuerineqareerlutik unittuuginnartissanngilagut akiligassat ingerlaqqissappata Kissaatigaara kolligiani inissinneqarsinnaasariaqartut akiitsui isigiinnarnargit

Evelyn Frederiksen:

Immikkoortoq 2-mi ilanngunneqassasoq aaqqiisutissatut immikkut aningaasaliisoqassasoq, tassa inunnik sullissinnermi meeqqerivinni, utoqqaat illuini, inunnik isumaginninnermi, illersorsinnaasumik ingerlatsisoqarnissaanut aaqqiigallarnissamut kiisalu ukiuni tulliuuttuni missiliuutunut ilanngunneqarnissaat kissaatigara, ullumikkut ajornartorsiutigatsigu taanna. Tassa aappassaaneerneqarnissaanut ilanngunneqassasut kissaatigaara.

Hans Frederik Olsen:

*Siulleq*

sumiiffinni tamani arsaattarfeeqqanik 5 mands imal. 7 mands pilersitsinissaq piviusunngortariaqarpoq, qanoq aningaasartaqarnissaa misissortariaqarpoq.

*Aappa*

Utoqqarnut pisinnaanerusunut angerlarsimaffissat 2017 mi akuerisaq ilaaginnarnissaa ukiunilu tulliuuttuni aningaasartassaa ilanngunneqassasut,

*Pingajuat*

Taamaattumillu angerlarsimaffeqanngitsut iliuuseqarfiginiarneri piviusunngortariaqarpoq, tassani Kofoedskole tamanut eqquisussaq eqqarsaataalluni, angerlarsimaffeqanngitsunik inissalik, suliffeqanngitsut ingerlariaqqinnissaannik periarfissiisooq, inuunerinnerunissamik siunertalik, il.il. 2019 mi pilersaarusionermut 20-21-22 mullu aningaasaliisoqarnissaa ilanngunneqassasoq.

Kommunip illuutaani meeqqanut ilaqutariinnut qimarnuguviit misissornerat ingerlaannassasoq.

Karl Lyberth:

Kommunemi aalisartut assigiinngitsutigut atugaasa pitsanngorsartinnissaanut 2019-imut 10 mio kr. Immikkoortinneqarnissaat kissaatigaara.

Kangerlussuup Aasivissuillu akornanni aqqusinermut 22 mio kr. Immikkoortinneqarsimasut nalilersorluarneqartariaqarput.

**Ilanngussaq**

1. 2019-imut missingersuutissatut siunnersuut 2018-imi septembarip 14-ianeersoq,
2. 2017-imi inuit akileraarutaasa naliliiffiqineqarnerat pillugu Akileraartarnermut Aqutsisoqarfiup 2018-imi aggustip 10-iani allakkiaa
3. Inatsisartut 2019-imut Aningaasanut Inatsisissatut siunnersuutaat, missingersuutitut tapiissutit 20.05.20 ”Kommuninut atatsimoortumik tapiissutit”
4. Sanaartornermut missingersuutit 2019
5. 2019-imut missingersuutissat, ukiunullu 2020-imit 2022 tikillugu missiliuuteqarfiusussat pillugit isumasioqatigeereernerup kingorna, missingersuutissanut kissaatinik ataatsimiititaliat tulleriarinerisa takussutissartaa

**Imm. 03 Sisimiuni Kangerlussuarmilu Katersugaasiviit 2017-imiit 2018-imut aningaasanik nuutsineq**

*Journalnr. 58.01*

Tunuliaqutaq

Ukiup naatsorsuuseriffiusup 2017-ip naalernerani Sisimiuni aamma Kangerlussuup Katersugaasivia missingersuutiminniit procentinngorlugu atuisimapput, atuinermi 1.489.000 koruunit sinneralugit. Atuinikinnerunermut Katersugaasivimmi sulisussatut amerlassusiliineq malillugu sulisoqarsimanginnera patsisaavoq, taamaattumillu missingersuutaasuniit akissarsianut aningasartuutit appasinnerusimallutik. Taakku saniatigut katersugaasivimmi pisortatut atorfik inuttaqarsimanginnerata kingunerivaa, suliassat pilersaarutaasut arlallit, ingammik aserfallatsaaliinermut atatillugu naammassineqanngitsoornerat.

Maleruagassatigut tunngavissat

Qeqqata Kommuniani karseqarnermut naatsorsuuserinermullu malittarisassat

Pissutsit atuuttut

Sisimiut Katersugaasivianni 2017-imi aserfallatsaalisassatut pilersaarutaanikuupput naammassineqanngitsoorlutilli:

<b>Nassuiaat</b>	<b>Aki ilimagisaq</b>
B-23 'Niuertup illorsua' aamma B-114 'Bethel Kirke' qaliaata qalipannissaat	44.300,00 kr.
B-32 'Illutoqqaq' qilavani ammartartup/-majuartarfiinik ajoqusernikup taarsernissaa	3.950,00 kr
B-32 'Illutoqqaq' silataani iikkersuutaasa qisuusut qalipannissaat	5.000 kr.
B-1486 'Illu issuinnaq' iluarsartuunnera	Neqeroorutit utaqqineqarput

Suliassat allat tullinnguuttut suliassaapput, Kangerlussuup Katersugaasiviani 2017-imi pilersaarutaasumik suliassaagaluit, kisiannili suliarineqanngitsut.

B-1714 Kangerlussuup Katersugaasiviata qaliaanik iluarsartuussinissamut atortussat	78.500,00 kr.
--	---------------

Illorsuup aserfallatsaalineqarnissaanut ilassutitut 2017-imi aamma pilersaarutaasut, kisiannili suliarineqanngitsut tulliuuttut ukuupput.

Sisimiut Katersugaasivianut uulimut tanki nutaaq 3.700 ltr.	37.736,00 kr.
Assinut upperisarsiornermut tunngasunut saqqummersitassanut akrylpladit , B-114 'Bethel-ip oqaluffia'	5.960,00 koruunit aqquataa ilanngullugu.

2018-imi aamma nukinginnartunik aserfallatsaalisassanik Katersugaasivimmi suliassaarpoq, ilaatigut Kangerlussuarmi Sisimiunilu qaliat ussiitsut, tassanilu aningaasat nuunneqartut aamma atorniarneqarput. Matumani tulliuuttut pineqarput:

B-32 'Illutoqqaq' ujaqqanik qammat suliarineqarneri	Neqeruorutit utaqqineqarput
---	-----------------------------

**Kommunalbestyrelsip septembarip 27-ani 2018-imi ileqquusumik ataatsimiinnerata 05/2018  
imaqarniliornera**

B-113 'Ajoqersuisut illutoqaat' aamma B-54 'Saffiorfik' qaliata qalipanneri	44.500,00 kr.
B-114 Bethel-ip oqaluffia' illup iluanik isuanillu qalipaaneq	31.000,00 kr
B-114 'Bethel-ip oqaluffia' qaliarpaanut majuartarfiit nutaat qalipannissaanut atortussanut	5.000,00 kr.
Sisimiut Katersugaasivianut printeri nutaaq	32.525,00 koruunit
B-1714 Kangerlussuarmi Katersugaasiviup nutaamik qalissialersorneqarnissaa	97.000,00 kr.
Kangerlussuup Katersugaasiviata igalaavinik iluarsartuussineq	10.000,00 kr.
B-114 'Bethel-ip oqaluffia' natermik iluarsartuussineq	NKA-a akuersissutigineqass appat

Ukiorpaalunngortuni Sisimiut aamma Kangerlussuup Katersugaasiviini nalunaarsuinissaq pigisanillu toqqortuinissaq sumiginnarneqarsimavoq, taamaalillunilu tamassuma malitsigisaanik annertuumik kinguaattoorneq pisimalluni. Aningaasanik nuutsinermi suliasaanut taakkununga atuinnissaaq katersugaasivimmit kissaatigineqarpoq. Matumani tulliuuttut pineqarput:

Sisimiut Amutsivianiit pigisat nalunaarsorneqarnerini	10.000,00 kr.
Kangerlussuup katersugaasiviani pigisanik nalunaarsuinermut	50.000,00 kr.
B-1 'Amutsivimmi umiatsianut eqqussisarfik' nutarsaanissamik pilersaarummik ineriartortitsinermut	375.000,00 kr.
Asiunaveersaanissamik pilersaarummut ineriartortitsineq / aanaveersaasumit tikeraarneqarpoq	Neqeroorut utaqqineqarpoq

Aningaasat sinnerutut ilaatigut B-23 'Niuertup illorsua'-ni saqqummersitanik ineriartortitsinissamut isersinnaanermullu pissutsinik pitsanngorsaanermut Katersugaasiviullu billitsinik tuniniaaviata nalaani inissisimasumik atorineqarnissaat kissaatigineqarpoq.

Suliasarpasuit eqqarsatigalugit aningaasat 2017-imi atunngitsuukkat 582.000 koruuniusut 2018-imut nuutsinneqarnissaat kissaatigineqarpoq.

Takuuk ilanngussaq 1, aningaasat atorineqanngitsut naatsorsorneqarnerat.

Atuilluartaunissakkut kingunerisinnaasai

Kingusinaartumik iluarsartuussisarnermut atatillugu katersugaasiviup illuutaanik piffissaatillugu aserfallatsaaliisarneq, ungasinnerusoq eqarsaatigalugu sipaarnaruvoq. 2017-imi aningaasanik sinneruttunik nuutsinermi, pingaartumik katersugaasiviup illutaata silataanik, ukiorpassuanngortuni sumiginnagaasimasuni aserfallatsaaliineq qulakkeerneqassaaq, tassami 2018-imut missingersuutaasunit suliasat qulaani taaneqartut suliarineqarnissaanut katersugaasiviup kisimi nammassinnaangimmagit.

Taamatuttaaq katersugaasiviup pigisaannik nalunaarsuineq toqqorterinerlu Sisimiuni Kangerlussuarmilu sukkanerusumik nutaanik saqqummersitsinissamik periarfissiissaaq, suliniutinut annerusunut, soorlu UNESCO-mi nunarsuarmioqatigiinnut kingornussassatut allattorsimaffianut, Aasivissuit-Nipisat ilanngunneqarnissaanut toqqaanissamut tapersiisinnaasumik.

Aningaasaqarnikkut allaffissornikkullu kingunerisinnaasai

2017-imiit 2018-mut aningaasanik nuutsinikkut, Sisimiuni aamma Kangerlussuarmi Katersugaasivinni suliasaanut pilersaarutit missingersuutissat iluiniissagaluarput.



**Kommunalbestyrelsip septembarip 27-ani 2018-imi ileqquusumik ataatsimiinnerata 05/2018  
imaqarniliornera**

2017-IMUT NAATSORSUUTIT		Miss.	Tapiissutit	Nuuts.	Katillugit	Atuineq	Sinneri	Atuineq
Atuiffik	Atuiffiup taaguutaa	(1.000 kr.)	(1.000 kr.)	(1.000 kr.)	(1.000 kr.)	(kroner)	(1.000 kr.)	%- tut
56-02-10	Sisimiuni katersugaasivik	2.116	582	0	2.698	1.217.929,14	1.480	45,1
56-02-30	Kangerlussuaq	30	0	0	30	21.267,50	9	70,9

Allaffeqarfiup naliliinera

Allaffeqarfimmiit innersuussutigineqarpoq, 2017-imiit aningaasat nuutsinneqartut, nunaqartunut taamatullu takornarissanut takornariartussanut katersugaasiviup takujuminartuunissaanut iluarsartuussinissanut pisariaqartunut eqqaaneqartunut atorneqassasut.

Allaffeqarfiup innersuussutaa

Innersuussutigineqarpoq,

- 2017-imiit aningasat nuutsinneqarnissaannik qinnuteqaat ataatsimiititaliamit akuersissutigineqassasoq
- Suliaq Aningaasaqarnermut Ataatsimiititaliamut kommunalbestyrelsimulu akuerisassanngorlugu ingerlateqqinneqassasoq.

Ilinniartitaanermut, Peqqinnermut, Sunngiffimmi sammisanut Kulturimullu Ataatsimiititaliap suliamik suliarinninnera

Ataatsimiititaliap aggustip 3-ani 2018 ataatsimiinnermini innersuussut akuersissutigivaa. Aningaasanik nuutitsisarnermi maleruagassat eqqortumik malinneqartarnersut misissorneqassaaq.

Allaffeqarfiup innersuussutaa

Ilinniartitaanermut, Peqqinnermut, Sunngiffimmi sammisanut Kulturimullu Ataatsimiititaliap Aningaasaqarnermut ataatsimiititaliamut innersuussutigivaa akuereqqullugu,

-2017-imiit aningasat nuutsinneqarnissaannik qinnuteqaat ataatsimiititaliamit akuersissutigineqassasoq

Aningaasaqarnermut ataatsimiititaliap suliamik suliarinninnera

Ataatsimiititaliap aggustip 21-iani 2018 ataatsimiinnermini innersuussut akuersissutigivaa.

**Innersuussut**

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

-2017-imiit aningasat nuutsinneqarnissaannik qinnuteqaat ataatsimiititaliamit akuersissutigineqassasoq

**Aalajangiineq**

Innersuussut akuersissutigineqarpoq.



**Ilanngussaq**

1. Aningaasat atunngitsuukkat

**Imm. 04      2019-imi akigititat, Teknikki Pilersuinerlu**

*Journalnr. 06.01.01*

Tunuliaqutaq

2019-imut missingersuutini akuersissuteqarnermut atatillugu, ukiumut kommunip akigititai aalajangersarneqartussaapput, tassunga ilanngullugit sulianut nutaanut allannguuteqartunulluunniit akigititat. Teknikkeqarnermut, Aatsitassarsiornermut Avatangiisinullu ataatsimiititaliamut atuiffik 2 Teknik aamma atuiffik 6 Pilersuineq akigititaasut pineqarput.

Ukiup ingerlanerani akigititat ingerlaavartumik nalilersorneqartarput. Oqaasertaliussat paatsuungatitsisinnaasut allatut oqaasertalerneqassapput.

Maleruagassanut tunngavissat

Missingersuutini akuersineq ilutigalugu akigititat akuersissutigineqartussaapput, ukiumilu missingersuusiorfiusumi atuutissallutik.

Pissutsit atuuttut

Atuiffimmut 2 Teknikki aamma atuiffimmut 6 Pilersuinermut akigititani allannguutissanut siunnersuutissanut tunngavissanik pilersitsisinnaasunut akit oqaasertaliussassallu ataani ingerlanneqarput.

Arsaattarfimmik nutaamik attartornermut akigitassamut, ullormut 1000 koruuninut annertussusileqarneqarpoq. Ullup affaanut ullormut 500 koruunilerlugu attartorsinnaanermut periarfissiisoqarpoq. Arsattarfimmik ivigaaraasalimmik aserfallatsaaliinissamut missingersuutit qaffanneqarput, taamaalilluni arsaattarfiup ivigaaraasallip aserfallatsaalinissaanut aningasartuutaasussat ingerlatsinermi missingersuutini ilanngunneqareerlutik. Attartortitsinermut akigititanut siunnersuutaasut aningaasartuutit takkukkumaartussatut nalilerneqartut, unammisitsisoqarneranut assigisaannullu atatillugu arsaattarfimmik isumaginninneq torersuutitsinerlu il.il. matussusissavaat.

Kommunip umiatsialiviutissaanut attartortumit siumut akiliutaagallartumik 250 koruuninik akiliuteqartoqartassaaq. Akigititaaq taanna akigititaniinngilaq, kisianni 2019-imut akigititassatut siunnersuutini ilanngunneqarnikuulluni.

Atuiffik 6 Pilersuineq eqqaavilerinermut imaartittarnermut kommunip aaqqiissutaanut nalunaarnissamut akigititaaq ukiuni arlalinni, immikkoortumi atuisut tamakkiisumik akiliuteqartarnissaata anguneqarnissaa siunertaralugu, akigititaaq ukiumut 10 procentimik qaffaavigineqartarpoq. Anguniagaq taanna arlalitsigut anguneqarpoq. Taamaattorli eqqagassalerinermi akigitat ataasiakkaat aqqinermut kommunip aningasartuutigisaanut sanilliullugit suli appasippallaarput.

Containerinik 660L kiisalu puussiarsuarnik 90L imaarsinermut akigititaaq suli ukiumut 10 procentimik qaffanneqartartussatut isigineqarpoq. Tassunga pissutaavoq INI A/S najugaqarfissiaminni inoqutigiinnut ataatsimut puussiarsuarmut 90 L-imiit inoqutigiinnut arfinilinnut 660 literinut allannguisimanera. Inoqutigiit arfiniliugaangata containerimut 660 L-imut akisititamut puussiarsuarnut 90 L-iugaangat akigititaaq atsikkutigiinngimmat, containerinut 660 L-inut akititaaq 10 procentimik qaffanneqarnissaa nalilerneqarpoq. Taakkununga puussiarsuarnik 90L-inik imaarsisarnermut 10 procentimik qaffaaneq eqqakkanik eqqaanermi ikuallaavimmut

aningsartuutitut matussuseeqinnissamat, illoqarfinni ikuallaavissuarnut nunaqarfinniit eqqakkanik assartuinnermut aningsartuutitut matussuseeqataassagaluarpoq, kiisalu avatangiisinut ajoqutaanngitsunut containerinut puussiarsuarnik pisariaqartitsinngitsunut innuttaasut nuukkiartuaarnissaannut kajumilersitseqataasinnaalluni.

Anartarfilerinermit akigititaq suli 10 procentimik qaffanneqartassaaq. Entreprenørimut kommuni sinnerlugu anartarfiit puussiartaanik imaarsisartuusumut akiliisarnermut aningsartuutit suli isertitanit matuneqartassanngillat. Entreprenørimjut akiliisarnermut aningsartuutit, aaqqiinnermut nalunaarsimasunit isertitanit 50 procentimik annertunerupput.

Isortuussanik igitsinermut akigititaq maannamut akigititanut marlunnut agguataagaavoq. Aappaa ikuallaavimmi ilioraavimmut tunniussinermut m3-mut naatsorneqartoq aappaalu ikuallaaviup ikuallaavianut toqqaannartumik tunniussinermut kilomut naatsorsorneqartoq.

Akigitat assigiissarniarlugit igitassanut isortuussanut taamaallaat m3-mut naatsorsorneqarsinnaavoq. Annertussutsit kilomut naatsorsornissaanut ikuallaavik killilimmik periarfissaqarpoq. Igitassanut isortuussassanut m3-mut naatsorsuinnermut akigititaq m3-mut 333.00 koruuniunera allanngortinneqassanngilaq. Isortuussassanik eqqagassanik ingerlaannartumik ikuallaaviup ikuallaavittaani ikuallaanissaq kilomut 333.00 koruunit aammalu sulisorisamat akunnermut 240 koruunit akigitinneqassapput. Ingerlaannartumik ikuallaavimmi ikuallaanissaq isumanaallisaaneq eqqarsaatigalugu, ikuallaaviup sulisuinik peqateqarluni ingerlanneqartarnissaanik piumasagaatitaqarpoq.

Sisimiuni ikuallaavimmi uuliakunut ikuallaavimmik 2017-imi ikkussisoqarnikummat, aammalu uuliakumik ikuallaanermi kissamik tunniussamat isertitaqartamat, akigititaq m3-mut 2.339,00 koruunimiit m3-mut 0 koruuninut nalimmassarneqarnissaa isigineqarpoq. Kissamik Nukissiorfimmut tunisinermit ikuallaaviup isertitaasa, uuliakumik piiaanermut aningsartuutit tamakkiisumik matussuserarnerat pissutaavoq. Tamanna aamma kilisaatit umiarsuillu takornariartaatit Sisimiuni uuliakumik tunniussisarnissaanut kajumissaataassaaq, tamatumani ikuallaaneq sapinngisamik illersorsinnaasumik ikuallanneqarsinnaalluni. Maniitsumi suli uuliakunik annertuunik toqqortaateqartoqarpoq, taamaattumik uuliakunut akigititaasoq allanngortinneqassanngilaq.

Annikitsualuit immikkoortiterneqanngitsut pinngitsoortinniarlugit, annikitsualuit immikkoortiterneqanngitsut itigartitsissutigineqartarnissaanut kinguneqartitsisarnissamik ilanngussisoqassaaq. Tassunga kukkulluni tunniussisoortoqarnissaanut, immikkoortiterneqanngitsunut niusanut 5600 koruunimik akigititamik ikkussisoqassaaq. Tassunga annikittualunnut immikkoortiterneqanngitsunut akiliisitsisoqartassalluni. Aaqqiissut Sermersooq - Nuuk affaldscenter-imit tigusaavoq. Aaqqiineq Sisimiuni Maniitsumilu ikuallaavinni immikkoortiterinermit suliarinninnissamat, suliasaq piffissartornartorujussuusumut, sulisunut amerlasssuligaasoqanngimmat atuutilersinneqassaaq. Soorluttaaq aaqqiineq eqqagassanik annikitsualunnik eqqaavissuarmi tunniussisarnissamat, igitsinnginermit annikitsualunnik immikkoortitereertarnissamat peqataassaaq. Annikitsualuit ikuallaavimmut tunniunneqannginnerini eqqortumik immikkoortiterneqarnissaat pillugu nalornisoqassagaluarpat, ikuallaavimmi sulisunik attaveqarsinnaanermut akigiitani erseqqissaassuteqartoqassaaq.

Ilanngussami 1-imi akigitat allanguutissaattut siunnersuutaapput aappalaartumillu allassimallutik.

Maniitsumiit Ikuallattoornermi qamiterinermut atortunik Tuniniaanermut Akititanit akigititanut nalinginnaasunut nuutsitsineq, Sisimiunut tunngatillugu tuniniaanermik kinguneqarsinnaavoq, tuniniaasartut namminersortut qatserinermut atortunik peqqumaasivimmiittuuteqanngippata, taamaattumilu Sisimiuni tunisinermi Mamiitsumit akigitat atornerqartarput.

Qatserinermi atortut koblingitallit, aamma maniinnarmiittutut tuniniarneqartartut.

Qajuusaasanik qatserummut 12 kg-mut aki 555,00 koruuniniit 600,00 koruuninut qaffanneqarpoq, aningaasartuutiviit matussuserniarlugit.

Angallassissutininut immikkuullarissunut (qatserisartut ittuata biilii, slangetenderinut, biilinu atortuusivinnut, pujorsiortut atortuinut) 3.500 kg ataallugu oqimaassusilinnut akit amigaataanikuusunut akit ilaneqarput aammlau akunnermut ingerlatsisoq ilanngullugu 600,00 koruuninut aalajangersarneqarluni.

Umiatsiamik attartornermut aki ingerlatsisoq ilanngullugu akunnermut 750,00 koruunilerlugu ilannguneqarpoq aalajangersarneqarlunilu.

Qamuterallannut akigititami allassimanera ATV-nik ilaneqarpoq.

Ikuallattoqarnerani toortatinut automatiskiusunut akitsuut 4.100,00 koruuniniit 4.400,00 koruuninut qaffanneqarpoq, ukiuni arlalinni akitsuut nalimmassarneqarani taamaaginnarnikummat. Ilutigitillugu allassimanerani ilannguneqarpoq, akitsuut ukiut tamaasa 2 procentimik nalimmassarneqartassasoq.

Asuli toorsinermut akigititaq aamma oqaasertaat "tunngavissaqanngitsumik orniguneq"-mik taaneqarpoq, tak. Kalaallit Nunaanni annaassiniarnissamut upalungaarsimaneq aamma ikuallattoornissamik qartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersumi § 19, tassani allassimavoq, tunngavissaqanngitsumik ornigunnermut akigititap aningaasartuutiviit qaangersimassanngikkai. Ilutigitillugu allassimanera akit malillugit akunnerit aallartinnerit tamaasa biillit atornerqarneranut akiliuteqartoqartarnissaanik ilaneqarpoq.

#### Atuilluartuunissakkut kingunerisinnaasat

Eqqagassat pillugit akigititanut nalimmassaaneq, eqqagassalerinermi pilersaarummi anguniagaasunut periusaasumut "mingutsitsisoq akiliissaaq" naapertuuppoq.

#### Aningaasaqarnikkut allaffissornikkullu kingunerisinnaasai

Arsaatarfimmut nutaamut attartornermut akigititaq, eqqaavinnik imaarsinermik arsaatarfimmillu isumaginninneq ilaapput. Akigititaq eqqortumik tikkuussinersoq ukiup ilivitsup ingerlanerani nalilersorneqarumaarpoq. 2019-imut attartortitsinermut isertitanit atuiffimmik ammaasoqassaaq.

Akigititap allanguutissaatut siunnersuutaasut, anartarfilerisarnermi atuisut akileeqataasarnernannik qaffaataassaaq, taamaalilluni entreprenørimut akiliisarneq qaninnerusumik nalimmassarluni. Akinik

allanguinermut naapertuuttumik immikkoortuni marluusuni isertitanut atuiffiit nalimmassarneqassapput.

Annikitsualunnut immikkoortiterneqanngitsunut akigititamat, Nuummi eqqakkanut centerimit misilittakkat kingunerinikuuat, eqqagassanut centerimi immikkoortiterinermut mandetimet annertuumik appariaateqarnerat. Taamaaliornikkut sulissanut sulisut atorneqarsinnaangorlutik.

Unammilleqatigiinnermik pisumik pilersitsinngikkaluarluni, qatserinermi atortunut akit minnerpaamik aningaasartuutitut matussusiissapput.

#### Allaffeqarfiup naliliinera

Pilersuinermit tunngasuni akigititani akit pingaarnertit tassaapput anartarfilerineq eqqaavilerinerlu. Akigititani allanguutissatut siunnersuutunik, atuisunit akilerneqartartuni anartarfilerisarneq eqqaavinnillu imaarsisarnerup ilaa, tamakkiisumik akilerneqarneq ajortoq kisimiilissapput. Taakkununga 2019-imi eqqaavilerinermut tunngasuniit ikuallaavimmut illup iluani nuutsisarsinnaanermut periarfissiisoqarpoq, ikuallaavimmi ikuallaanermut tamakkiisumut eqqaavilerinermik eqqaanermut aningaasartuutaasunut peqataanikuunngimmat.

#### Allaffeqarfiup innersuussutaa

Teknikkeqarnermut Avatangiisinullu ataatsimiititaliamut innersuussutigineqarpoq, atuiffik 2 Teknikkimut aamma atuiffik 2 Pilersuinermit immikkoortuni 2019-mut akigititassatut siunnersuut akuersissutigineqassasoq.

#### Teknikkeqarnermut Aatsitassarsiornermut Avatangiisinullu ataatsimiititaliap suliamik suliarinninera

Ataatsimiititaliap septembarip 11-ani 2018 ataatsimiinnermini innersuussut akuersissutigivaa.

10 procent qaffaasarneq kommunalbestyrelse-mut apeqqtissanngorlugu ingerlateqqinneqassaaq.

Arsaattarfimmik atuinermut akiliutissaq kommunalbestyrelse-mut apeqqtissanngorlugu ingerlateqqinneqassaaq.

#### Innersuussut

Teknikkeqarnermut Aatsitassarsiornermut Avatangiisinullu ataatsimiititaliap Aningaasaqarnermut ataatsimiititaliamut innersuussutigivaa akuereqqullugu,

-atuiffik 2 Teknikkimut aamma atuiffik 2 Pilersuinermit immikkoortuni 2019-mut akigititassatut siunnersuut akuersissutigineqassasoq

-10 procent qaffaasarneq kommunalbestyrelse-mut apeqqtissanngorlugu ingerlateqqinneqassasoq

-arsaattarfimmik atuinermut akiliutissaq kommunalbestyrelse-mut apeqqtissanngorlugu ingerlateqqinneqassasoq

#### Aningaasaqarnermut atatsimititaliap suliamik suliarinninera

Ataatsimiititaliap septembarip 18-iani 2018 ataatsimiinnermini innersuussut akuersissutigivaa.

#### **Innersuussut**

Aningaasaqarnermut ataatsimiititaliap Kommunalbestyrelsimut innersuussutigivaa,

-atuiffik 2 Teknikkimut aamma atuiffik 2 Pilersuinnermut immikkoortuni 2019-mut akigititassatut siunnersuut akuersissutigineqassasoq

-10 procent qaffaasarneq kommunalbestyrelse-mut apeqqutissanngorlugu ingerlateqqinneqassasoq

-arsaattarfimmik atuinnermut akiliutissaq kommunalbestyrelse-mut apeqqutissanngorlugu ingerlateqqinneqassasoq

### **Aalajangiineq**

Atuiffik 2 aamma 6 akuersissutigineqarput.

Taasineq:

1. 10%-imik qaffaasarneq atuuttsinneqassaaq

Isumaqaataasut: 1 MB

2. Aappaagumiit atuuttunngortinneqassaaq akit ineriartornerata atuutilernissaa (index regulering).

Isumaqaataasut: 11: AKH, EO, ALO, SDO, MI, EF, GL, KL, FO, HFO, EF

3. Arsaattarfik akeqanngitsumik atorineqartassasoq

Tamarmik akuersippat.

### **Ilanngussaq**

1. 2019-imut akigititassatut siunnersuut

**Imm. 05 Sisimiuni mittarfimmuut aqqusinermi Asummiuni illuaqqanik  
sanaartorsinnaanermut kommunip pilersaarusiordfigineqarnerani tapiliussassatut  
nr. 59-itut siunnersuut**

*Journalnr. 16.03.01.01*

Tunuliaqutaq

Mittarfimmuut aqquserngup eqqaani, isertitsiviup kangiitungaani, takornarianit attartugassanik illuaqqanik unnuisarfiliornissanik qinnuteqaammik, Qeqqata Kommunian tigusaqarnikuuvoq. Immikkoortoq pinngortitamiippoq, immikkoortumilu nutaanik sanaartortoqartinnagu kommunip pilersaarusiordfigineqarneranut tapiliussamik suliaqartoqassaaq.

Februaarip 23-ani kommunalbestyrelsip ataatsimiinnerani siunnersuut suliarineqarpoq aalajangiunneqarlunilu, 2018-imi apriliip qaammataani kommunalbestyrelsip ataatsimiinnissaani saqqummiutassanngorlugi kommunip pilersaarusiordfigineqarnerani tapiliussassatut siunnersuummik suliaqartoqassaaq.

Maleruagassatigut tunngavissat

Pilersaarusiordfigineq aamma nunaminertat atorineqartarnerat pillugu Inatsisartut inatsisaat nr. 17, 17. novembari 2010-imeersoq naapertorlugi kommunip pilersaarusiordfigineqarneranut tapiliussa suliarineqassaaq.

Pissutsit atuuttut

Siunnesuummi ilanngussami takuneqarsinnaasutut, takornarissanut attartortinneqarsinnaasunik illuaqqanik 80 m<sup>2</sup> annertussusilinnik 20 missaaniittunik pilersitsinnaanermut, immikkoortuni pingasuni nunaminertani 440 m<sup>2</sup>-tut, 600 m<sup>2</sup>-tut aamma 680 m<sup>2</sup>-tut annertutigisuni pilersitsisoqarsinnaaneranut ammaassivoq, illuaqqat ilaat ataatsimoortarfiusinnaalluni, 40 m<sup>2</sup>-mik ilaneqarsinnaasumik, taamaalillutik illuaqqat katillugit 120 m<sup>2</sup>-mik missaani angitigisinnaallutik. Illuaqqanik minnerusunik sanaartorsinnaanermut periarfissaqarpoq, taamaallaat immikkoortuni tamani m<sup>2</sup> amerlassusissaat malitsinneqaannassalluni.

Ikuallattooratarsinnaanermut piomasagaatit malinniarlugit aammalu tikinneqarsinnaassusaat qulakkeerniarlugi, aqqusinermik sioraasumik 3 m nerututigisumik pilersitsinissamik piomasagaatitaqarpoq. Assinganik sanaartortitsisup piomasagarneratigut pilersuinermut atortulersuutiniq ataatsimoorussanik pilersitsisoqarnissaa siunertaavoq, taamaalilluni illuaqqat takornarissanut orniginartutut atoruminartuuniassammata aammalu nunamut imermik mingunnikumik perusersartarfinniilluunniit imikumik kuuutsitsisoqarani. Pilersaarummi Asummiunut-mi biilinit inissiisarfimmik ataatsimoorussamik biilinit inissiisarfeqarnissaa ilanngunneqarpoq aammalu immikkoortumi aqqusineq sioraasoq ilaasunik nassatanillu nioreaasarnermut annertunerusunik atorineqarnissaa siunertaavoq.

Asummiunut-mi illuaqqani ataatsimoorussani ataasiakkaani imaluunniit biilinit inissiisarfii eqqaanni pilersuinermut atortulersuutiniq ataatsimoorussanik pilersitsisoqarsinnaavoq.

Siunnersuummi immikkoortumik marlunnut avitsisuusut naasut nalinginnaasut illersorneqarnissaat ilanngunneqarnikuuvoq.

Immikkoortup pilersorneqarnikkut aputaajaasarnikkullu il.il. ataatsimoorussamik ingerlanneqarnissaa qulakkeerniarlugu, piginnittuunermut peqatigiiffimmik pilersitsisoqarnissaa piumasagaataavoq.

Kommunip pilersarusiorfigineqarnissaanut tapiliussassatut nr. 59-itut siunnersuut, 2018-imi apriliip 30-anit 2018-imi juunip 25-a tikillugu tamanut tusarniaassutigineqarnikuuvoq.

Tusarniaanerup ingerlanerani akerliliinernik imaluunniit oqaaseqaatinik tunniussisoqanngilaq.

#### Atuilluartuunissakkut kingunerisinnaasai

Illuaraqarfimmik pilersitsinermut atatillugu ataavartunik nukissiuutunik pilersitsinissaq naatsorsuutigineqassaaq, nalinginnaasumik aaqqiissutinut tapertaliussanik imaluunniit illuaqqamut ataatsimut arlalinnuunniit ataatsimoortumik aaqqiissummik. Sanaartortitsisujumaartussanut aaqqiissutissanik imminut akilersinnaasunik sanaartukkat ilusilersussavaat.

#### Aningaasaqarnikkut allaffissornikkullu kingunerisinnaasai

Kommunip pilersarusiorfigineqarnerani tapiliussassaq, Qeqqata Kommunianut aningaasaqarnikkut allaffissornikkullu toqqaannartumik kinguneqassanngilaq. Kommunip pilersarusiorfigineqarnerani tapiliussakkut periarfissiissutit, inuit ataasiakkaat aningaasaliisinnaanerat atorluarneqarsinnaasoq naatsorsuutigineqarpoq.

#### Allaffeqarfiup naliliinera

Allaffeqarfiup nalilerpaa, Palasip Qaqqata naqqani attartorneqarsinnaasunik illuaraqarfimmik kiisalu innuttaasut namminneq illuarassanut immikkoortumik pilersitsinikkut, takornarianut, tikeraanut innuttaasunullu pitsaasunik periarfissiissasoq, taamaalillunilu Sisimiuni eqqaanilu takornariaqarnikkut pitsaasumik ineriartortitsinermut tapertaalluni.

Immikkoortumi illuaqqanik sanaartorfissaq kuup kitaatungaanut killiligaavoq. Tamatuma saniatigut Palasip Qaqqaanut pisuinnaat aqputaat akornusersorneqannginnissaa eqqarsaatigineqarmat.

#### Allaffeqarfiup innersuussutaa

Allaffeqarfiup aningaasaqarnermut ataatsimiititaliamut innersuussutigivaa akuereqqullugu,

-kommunip pilersarusiorfigineqarneranut tapiliussaq nr. 59 aningaasaqarnermut ataatsimiititaliamit kiisalu kommunalbestyrelsimit akuersissutigineqassasoq

#### Aningaasaqarnermut atatsimititaliap suliamik sularinninnera

Ataatsimiititaliap septembarip 18-iani 2018 ataatsimiinnermini innersuussut akuersissutigivaa.

#### **Innersuussut**

Aningaasaqarnermut ataatsimiititaliap Kommunilbestyrelsimut innersuussutigivaa,

-kommunip pilersarusiorfigineqarneranut tapiliussaq nr. 59 aningaasaqarnermut ataatsimiititaliamit kiisalu kommunalbestyrelsimit akuersissutigineqassasoq



**Aalajangiineq**

Innersuusut akuersissitigineqarpoq.

**Ilanngussaq**

1. Kommunip pilersaarusiortigineqarnerani tapiliussaq nr. 59

**Imm. 06      Maniitsumi umiarsualivimmi nunaminertat annertusineqarnissaat pillugit  
kommunip pilersaaruserfigineqarneranut tapiliussassatut siunnersuutip nr.  
61-ip inaarutaasumik akuersissutifigineqarnera**

*Journal nr. 16.03.01.01*

Tunuliaqutaq

Maniitsumi umiarsualivimmi nunaminertat annertusineqarnissaat pillugit kommunip pilersaaruserfigineqarneranut tapiliussassatut siunnersuut nr. 61, 2018-imi maajip 24-ani kommunalbestyrelsip akuersissutigaa. Atortuutit piusut atorluarneqarneruniassammata, umiarsualivimmi nunaminertat umiarsualivimmik ingerlatsinermi siunertanuinnaq inniminneerneqarnissaat qulakkeerumallugu pilersaarut suliarineqarpoq. Taamaattumik kommunip pilersaaruserfigineqarneranut tapiliussami aalajangersakkamik ima allassimasoqarpoq: ”Immikkoortuni najugaqarfinnik sanaartortoqassanngilaq imaluunniit aaqqissuussisoqassanngilaq”. Immikkuualuttoq (700-B.7.2.) sulisunut ineqarfittut atorneqarallarnissaa kommunalbestyrelsip ilutigalugu akuersissutigaa.

Taamaalilluni immikkuualuttumi tassani ikaartarfiup avannaa-tungaani aalisakkerivimmut atatillugu sulisunut ineqarfittut atorneqarallarnissaanut, kommunip pilersaaruserfigineqarneranut tapiliussaq periarfissivoq. Kommunip pilersaaruserfigineqarnerani tapiliussatigut nunaminertani atugassiissutini aalajangersagaq una atuuppoq: ”Immikkoortuni najugaqarfinnik sanaartortoqassanngilaq imaluunniit aaqqissuussisoqassanngilaq”.

Kommunip pilersaaruserfigineqarnerani tapiliussap akuersissutifigineqarnerani, 2018-imi juunimi, juulimi aggustimilu tamanut tusarniutifigineqarpoq. Tapiliussaq NIPI AVIS-itigut nr. 12, 2018-imi sapaatip akunnera 23-mi (juunip sisamaanit qulinganut) saqqummersumi saqqummiunneqarpoq, illoqarfimmilu nivinngaavinni tamani, kommunillu facebook-iatigut saqqummiunneqarluni. Umiarsualivimmut tunngatillugu pilersaarutit annertuumik soqutifigineqarnera patsisaalluni, tapiliussaq aniseriarlugu arlaleriarluni ingerlatsivimmit tunniunneqarpoq, innuttaasunullu soqutiginnillutik saaffiginnittunut mailikkut nassiunneqartarluni (takuuk ilanngussaq 2).

Tusarniutifigineqarnerata sivitsuiffigineqarnerani, tusarniummut akissut ataasinnguaq tiguneqarpoq. NIPI TV, NIPI TV-p Fitness Center-illu qulaatungaani sulisunut inissialiornissamik kissaateqarluni tusarniummut akissuteqarpoq, tamannali kommunip pilersaaruserfigineqarnerani tapiliussap siunertaanut aalajangersagaanullu naapertuutigani. Akerliliissut Ilanngussaq 2-tut ilanngunneqarpoq.

Maleruagassanut tunngavissat

Pilersaaruseriorneq aamma nunaminertat atorneqartarnerat pillugit Inatsisartut inatsisaat nr. 17, 17. novembari 2010-meersoq naapertorlugu kommunip pilersaaruserfigineqarnerani tapiliussaq nr. 61 suliarineqarpoq.

Pissutsit atuuttut

Umiarsualivik siunertanut allanut atorneqariartortinnagu, umiarsualivinni sulianut umiarsualiviup inniminneeqaannarnissaa kommunip pilersaaruserfigineqarneranut tapiliussap pingaarnertut qulakkiissavaa. Taamaattumik pilersaarutit annersaa aalisakkeriviit tuniniaaveqarnikkullu atortut allilerneqarnissaat, umiarsualivimmullu tunngasunik nutaanik pilersitsinissamut

periarfissaqartikkumallugu immikkoortinneqarpoq. Taamaattumik siunissami nunaminertap atorneqarnissaa, umiarsualivimmi siunertanuinnaq immikkoortinneqarpoq. Taanna aamma patsisigalugu sulisunut inissiaagallartussat taamaallaat immikkuualuttoq 700-B.7.2-miittussatut killilerneqarpoq.

#### Atuilluartuunissakkut kingunerisinnaasat

Maniitsumi umiarsualivimmi inissaqarpianngereersumi, siunissami umiarsualivimmut tunngasunut nunaminertat, umiarsualivimmullu tunngatillugu suliat suliffeqarfiillu pioreersut allilerneqarsinnaanissaat, kommunip pilersaarusiortifigineqarneranut tapiliussap nr. 61-ip atuilluartuunissaq qulakkiissavaa.

#### Aningaasaqarnikkut allaffissornikkullu kingunerisinnaasai

Umiarsualivimmi sanaartorfigissaatitsinissaq, nunaminertanillu atuneq sanaartortitsisunit isumagineqartussaammata, pilersaarut Qeqqata Kommunianut aningaasaqarnikkut kinguneqassangatinneqanngilaq.

#### Allaffeqarfiup naliliinera

Allaffeqarfiup nalilerpaa, Maniitsumi umiarsualivimmi ingerlatat pioreersut annertusarneqarnissaannut pilersaarut qulakkeerinneqataasinnaasoq, taamaalillunilu aalisartunut, umiarsualivimmilu inuutissarsiutinik ingerlataqartunut atugassarititaasunik aamma pilersitseqataasinnaasoq. Ilanngullugu nalilerneqarpoq, immikkuualuttoq 700-B.7.2-mi sulisunut inissiaagallartussat, umiarsualivimmi ukiup qanoq ilinerani ulapaarfimmi atorfinitsitsinissamut ineqartitsinissamullu qulakkeerinneqataasinnaasoq, tamannalu kommunip pilersaarusiortifigineqarneranut tapiliussap qulakkiissallugu.

Allaffeqarfiup nalilerpaa, siunissami issuaannilersitsiinnassammat immikkoortumi tassani inissianik, sulisut inaannik sulisunulluunniit inissianik allanik pilersitsisoqartariaqanngitsiq, taamaattoqassappallu umiarsualivimmi inissaalatsiffioreersumi umiarsualiveqarnermi siunertanut suliffeqarfinnullu nunaminertat annaaneqassammata.

Taamaattumik allaffeqarfik isumaqarpoq, akerraliliissut sulisullu inaannik pilersitsinissamut immikkut akuerineqarnissamut qinnuteqaat, umiarsualivimmilu allatigut sulisut inissaannik pilersitsinissamik qinnuteqaatit, kommunip pilersaarusiortifigineqarneranut tapiliussap siunertaanik aalajangersagaanillu innersuussinikkut itigartinneqassasut.

#### Allaffeqarfiup innersuussutaa

Allaffeqarfiup innersuussutigaa, Maniitsumi umiarsualivimmi nunaminertat annertusineqarnissaat pillugit kommunip pilersaarusiortifigineqarneranut tapiliussap nr. 61, annerusumik allannguuteqarfiginagu inaarutaasumik akuersissutigineqassasoq, tamanullu nalunaarutigineqarluni.

#### Aningaasaqarnermut atatsimititaliap suliamik suliarinninnera

Ataatsimiititaliap septembarip 18-iani 2018 ataatsimiinnermini innersuussut akuersissutigivaa.

#### **Innersuussut**

Aningaasaqarnermut ataatsimiititaliap Kommunalbestyrelsimut innersuussutigivaa,

-Maniitsumi umiarsualivimmi nunaminertat annertusineqarnissaat pillugit kommunip pilersaarusionsiorfigineqarneranut tapiliussap nr. 61, annerusumik allannguuteqarfiginagu inaarutaasumik akuersissutigineqassasoq, tamanullu nalunaarutigineqarluni

### **Aalajangiineq**

Innersuusut akuersissitigineqarpoq.

### **Ilanngussaq**

1. Maniitsumi umiarsualivimmi nunaminertat annertusineqarnissaat pillugit kommunip pilersaarusionsiorfigineqarneranut tapiliussaq nr. 61
2. NIPI TV-mit saaffiginnissut

**Imm. 07 Pinerlussimasunik isumaginnittoqarfiup suleqatiginnikkumanera**

*Journal nr. 03.00.07*

Tunuliaqutaq

Maniitsumi pinerlussimasunut isumaginnittoqarfiup sulisuat pillugu Kalaallit Nunaanni Pinerlussimasunik isumaginnittoqarfiup aamma Qeqqata Kommuniata akornanni suleqatiginnikkumaneq pillugu 2018-imi juunip 25-ani allagaqarlutik Pinerlussimasunik isumaginnittoqarfik saaffiginnissuteqarpoq.

Maniitsumi nunaqarfiinilu suliassanut sisamaniit arfineq-pingasut tungaanut pinerlussimasunik isumaginnittoqarfiup sullitaanik amerlasuunik akunnerni 40-ni atorfik atuinnassallugu naammangimmat. Pinerlussimasunik isumaginnittoqarfiup atorfik atorunnaarsikkusunnginnamikku, atorfiup avinneqarsinnaaneranut periarfissaq pillugu kommunimut saaffiginnissuteqarput, Uummannami kommunimi atorfimmik avitseqatigiinnermik suleqatigiinnermik misilittagaqareeramik.

Maleruagassanut tunngavissat

Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 25 naapetorlugu, ilaatigut akissarsiaqarnermut sulisoqarnermullu tunngasunut suliassanik Aningaasaqarnermut ataatsimiititaliaq isumaginnittussaavoq.

Pissutsit atuuttut

Pinerlussimasunut isumaginnittoqarfik kommunip allaffiani allaffilimmik ataatsimik Maniitsumi atorfeqartitaqarpoq. Pinerlussimasunik isumaginnittoqarfiup suliassaa tassaavoq, inuiatigiinni sulisussanngorlugit pineqaatissinneqarsimallutik sullitanik nakkutilliilluni suliaqarnissaq, misiliummik iperagaasimasunik aamma eqqarsartaatsikkut napparsimasunik nakkutigisassanngortitanik nakkutilliinissaq.

Pitsaaliuinermi suleqatigiinnissaq pillugu saaffiginnissutaaneruvoq, tassani eqqarsaataalluni, pinerlussimasunut isumaginnittoqarfimmi atorfillip pinerlussimasunut isumaginnittoqarfimmi atorfini paariinnarlugu, kisianni piffissap affaannaani aammalu piffissap affaa kommunimit akilerneqartassalluni, tassani kommunimi pitsaaliuinermik siunnersorti suleqatigalugu pitsaaliuinerup iluani suliassat suliarineqarsinnaallutik.

Pinerlussimasunut isumaginnittoqarfimmi atorfilik Maniitsumi Ilaqtariinnermut immikkoortumik qanittumik suleqateqarpoq, pineqartorlu ilisimaneqareerluni. Pitsaaliuinermi pinerlussimasunut isumaginnittoqarfimmik Ilaqtariinnermut immikkoortortap pisortaa suleqatiginninnissamut soqutiginnippoq, pineqartup kommuni suleqatigalugu pitsaaliuilluni suliniutissat sumiinnerusut ilisimareermagit. Pitsaaliuilluni suliniutit nukittorsarneqarunik ungasinnerusoq isigalugu meeqqanut inuusuttunullu pitsaasumik kinguneqassaaq aamma meeqqat inuusuttullu pinerluttunngunnginnissaat pinngitsoortinneqassaaq.

Atuilluartuunissakkut kingunerisinnaasai

Oqartussa qarfiit allat isaannit isigalugu pitsaaliuinerup iluani ukiuni arlalinni misilittagalimmik oqartussa qarfimmik allamik suleqateqarnikkut, Maniitsumi pitsaaliuinermik suliniutit nukittorsarneqarnissaat atuilluartuuneruvoq.

***Kommunalbestyrelsip septembarip 27-ani 2018-imi ileqquusumik ataatsimiinnerata 05/2018  
imaqarniliornera***

Aningaasaqarnikkut allaffissornikkullu kingunerisinnaasai

Pitsaaliuisutut siunnersortitut ullup affaanut atorfik ukiumut 210.000 koruunit missaaniittarpoq, ukiut qassit sulisimaneq apeqqutaalluni annerusinnaallunilu minnerusinnaavoq.

Atuiffiup normua	Atuiffiup taaguutaa	Aningaas.	Tapiissutit	Aningaasaliissut nutaaq
41-09-20-01-10	Qaammammusiat		210.000	
	Katillugit			

Allaffeqarfiup naliliinera

Pitsaaliuermik sulineq nukittorsarniarlugu Maniitsumilu atorfik paariinnarniarlugu, oqartussaqaqfimmik allamik suleqateqalernissaq pingaaruteqarpoq. Pinerlussimasunut isumaginnittoqarfiup akornanni qanittumik suleqateqarnissaq allaffeqarfiup pitsaasutut isigivaa, taamaalilluni pitsaaliuinerit siunertaqassallutik, pinerlunnissap pinaveersaartinnissaanut tulluurtumik imminnullu attuumassuteqarnerunissaata qulakkeerneqarnissaa siunertaassalluni.

Qeqqata Kommuniani Siumut / Inuit Ataqatigiit / Partii Naleraq suleqatigiinnissamut isumaqatigiissutaanni kissaataavoq, suleqatigiit anguniassagaat Qeqqata kommuniani innuttaasut tassaassasut peqqinnarnerpaamik inuuneqalerusuttut aammalu pinaveersaartitsinerup nukittorserneratigut pinerlunniartarnerit inuulluataarniutinillu atornerluinerit malunnaatilimmik apparsarneqarnissaat. Tamanna anguneqassaaq pinaveersaartitsinermi suliniutit ataavartumik nukittorserneqarneratigut aammalu timersortitsinerulernissamut nukiit pioreersut namminerlu kajumissutsiminnik suliniuteqartut atorluarnerisigut.

Allaffeqarfiup Ilaqtariinnermut Isumaginninnermullu Ataatsimiititaliamut tusarniutigaa akuersarneqarpallu Aningaasaqarnermut Ataatsimiititaliamut akuereqqullugu innersuussutigalugu.

Allaffeqarfiup innersuussutaa

Allaffeqarfiup Ilaqtariinnermut Isumaginninnermullu Ataatsimiititaliamut tusarniutigaa akuereqqullugu:

- Ukiumi nutaamiit pitsaaliuermik siunnesortitut atorfimmik ullup affaanoortumik pilersitsoqassasoq
- aningaasat 250.000 koruuniusut 2019-imut missingersuutitut atuiffimmi 41-09-20 ilanngunneqassasut
- Aningaasaqarnermut ataatsimiititaliamut akuereqqullugu ingerlatinneqassaaq.

Ilaqtariinnermut Isumaginninnermullu Ataatsimiititaliap suliamik sularinninnera

Ataatsimiititaliap aggustip 15-iani 2018 ataatsimiinnermini innersuussut akuersissutigivaa Aningaasaqarnermut ataatsimiititaliamullu suliaq ingerlaqqissasoq.

Allaffeqarfiup innersuussutaa

Ilaqtariinnermut Isumaginninnermullu Ataatsimiititaliap Aningaasaqarnermut ataatsimiititaliamut innersuussutigivaa akuereqqullugu,

- aningaasat 250.000 koruuniusut 2019-imut missingersuutitut atuiffimmi 41-09-20 ilanngunneqassasut

Aningaasaqarnermut ataatsimiititaliap suliamik suliarinninnera

Ataatsimiititaliap aggustip 21-iani 2018 ataatsimiinnermini innersuussut akuersissutigivaa.  
Naalagaaffiup pisussaaffii akisussaaffiilu eqqumaffigineqassapput

**Innersuussut**

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

-aningaasat 250.000 koruuniusut 2019-imut missingersuutinut atuiffimmi 41-09-20

ilanngunneqassasut

**Aalajangiineq**

Innersuussut akuersissutigineqarpoq. Nalagaaffiup pisussaaffii akisussaaffiilu  
eqqumaffigineqassapput.

Suleqatigiinnissamik isumaqatigiissusiortoqassaaq aamma kommunimut amigartoorutanngitsumik.

**Ilanngussaq**

1. Pinerlussimasunut isumaginnittoqarfimmit allakkat 2018-imi juunip 25-aneersut, qallunaartooq.
2. Suleqatigiinneq isumaqatigiissut 20.03.2014

**Imm. 08      Mittarfiit aaqqissuuteqqinneqarnissaanni aningaasaqarnermut tunngatillugu  
paasissutissat**

*Journal nr. 24.10*

Tunuliaqutaq

Aningaasaqarnermut Naalackersuisoqarfimmi pisortap borgmesterimut kommunimilu pisortaanermut 2018-imi februaarip 22-ani allakkiamigut (februaarip 28-ani tiguneqartumi), Aningaasaqarnermut ataatsimiititaliap februaarip 13-iani ataatsimiinnerani imm. 17 mittarfiit ilusilersugaanerisa allannqortinneqarnerisa kingunerisinnaasai pillugit allaffeqarfiup suliaq saqqummiussaa uparuarpaa. Suliaq una Teknikkeqarnermut, Aatsitassarsiornermut Avatangiisinullu ataatsimiititaliap februaarip arferngani, kommunalbestyrelsillu februaarip 22-ani ataatsimiinnerini oqaluuserisassaniippoq. Naalackersuisoqarfiup pisortaa isumaqarpoq, paasissutissat sapinngisamik kinaassusersiunngitsumik saqqummiunneqarnissaat pillugu ingerlatsinermi inatsisitigut piumasaqaatinut nalinginnaasunut suliap saqqumiunneqarnera naammassinninngitsaq, eqqunngitsunillu paasissutissiisoq.

Borgmesterip 2018-imi maajip 17-iani Ineqarnermut Attaveqaqatigiinnermullu Naalackersuisoq allakkap assilineranik ilisimatillugu Aningaasaqarnermut Naalackersuisunngorlaaq allaffigaa, allaffeqarfiup suliamik saqqummiussinerani paasissutissat eqqunngitsuuneragaasut nammineq eqqortutut isigalugit, Naalackersuisoqarfiullu pisortaata paasissutissiissutai eqqunngitsutut isikkoqarlutillu kinaassusersiorpasittut. Mittarfinnut tunngatillugu aningaasatigut paasissutissat ataatsimoorussamik paaseqatigiissutigineqarnissaat pingaaruteqarmat, aaqqiissutissarsiorluni naapeqatigiinnissaminnik borgmesterip Aningaasaqarnermut Naalackersuisumut sunnersuutigaa. Oqaasiinnakkut allakkatigullu Namminersorlutik Oqartussat nukingisaarneqarnikuugaluarlutik, akissuteqarnikuunngillat.

Maleruagassanut tunngavissat

Assersuutigalugu: Qeqqata Kommuniani karseqarnermut naatsorsuuserinermullu malittarisassat xxx.

Pissutsit atuuttut

Kangerlussuup siunissaa kiisalu Sisimiut Kangerlussuullu akornanni aqqusinissaq pillugu suleqatigiissitami, Attaveqaqatigiinnermut Naalackersuisoqarfimmi aamma Aningaasaqarnermut Naalackersuisoqarfimmi atorfilittat peqatigalugit Qeqqata Kommuniani allaffeqarfik peqataanikuuvoq. Kangerlussuup (Narsarsuullu) siunissaat kommunit pineqartut peqatigalugit isummerfigineqarnissaat, Namminersorlutik Oqartussani suleqatigiinnissamik isumaqatigiissutigut anguniarneqarnera tunuliaqutaavoq.

Kangerlussuup siunissaa pillugu suliassat allattorsimaffiat/nassuiaataat suliarineqarnikuunngilaq. Sisimiut Kangerlussuullu akornanni aqqusinissamut tunngatillugu suliassat allattorsimaffiat/nassuiaataat suliarineqarnikuuvoq, taannalu Attaveqaqatigiinnermut Naalackersuisup borgmesterillu 2017-imi decembarip aallaqqaataani atsiorpaat. Kisianni 2018-imi februaarip arfineq-pingajuat tikillugu pineqartut taakku marluk ataatsimoorutillugit ataatsimiissutigineqartarnikuupput. Taassuma kingorna Qeqqata kommunia ataasiaannarani nukingisaarisarsimagaluortoq, suleqatigiissitaq naapeqqinnikuunngilaq.



Kangerlussuarmi mittarfiup nutartertineqarnissaani takissutsit silissutsillu assigiinngitsut aallaavigalugit 106-458 mio. koruunit nalinginut nutarterneqarnissaani missingersuutitigut missiliuutinik assigiinngitsunik qulingiluanik, suleqatigiissitaq 2017-imi juullerartortoq siunnersortimit SWECO-mit nalunaarusiamik nassinneqarpoq. Tamanna Qeqqata Kommuniata allaffeqarfiata 2018-imi februaarip arfineq-pingajuani politikerinut suliamik saqqummiussinnermini tungavigivaa.

”Fem scenarier vedrørende Kangerlussuaqs fremtid” pillugu Rambøll-ip nalunaarusiassatut siunnersuutaa nutaaq, 2018-imi februaarip arfineq-pingajuani ataatsimiinnermi eqqartugassatut nassiunneqartoq, suleqatigiissitaq 2018-imi februaarip arferngani nal. 16:59 tiguvaa. Nalunaarusiap imarisaa suliamut tunngatillugu eqqortuunngimmat, imarisaalu naleqqutinngitsunik isumaqarmat, Qeqqata Kommuniata ataatsimiinnermi akuersaanngilaa. Assersuutigalugu Kangerlussuarmi mittarfik 2810 meterinik takitiginera allannortinngikkaluarlugu, nunap iluani timmisartuussinerniinnaq timmisartut Kangerlussuarmi mittarfimmut kisimik missinnaassasut allassimavoq. Assersuutigalugu unnuisarfiup, innissiat il.il. nutarterneqarnissaanni (Namminersorlutik Oqartussanit allaniilluunniit) aningaasartuuteqartoqassappat, isertitassat ilaneqanngillat.

Malitsigisaanik Rambøll-ip nalunaarusiaq nangeqqippaa, taamaakkaluartorli Qeqqata Kommuniata ilimagisassatut misissueqqissaarisogarnissaanillu siunnersuutaat ilanngunneqaratik. Ilutigalugu kukkunerpaaluit iluarsineqarnikuunngillat. Taassuma kingorna nalunaarusiaq inaarutaasoq 2018-imi apriilip 20-ani Qeqqata Kommunianut nassiunneqarpoq, nalunaarusiilli kukkuneqarpallaarnera patsisaalluni allaffeqarfiup nalunaarusiaq akuersaarsinnaasimannngilaa. Ilanngullugu Deloitte-p nalunaarusiaanut Inatsisartuni qinigaanerup naalernerani-qinersinnermi saqqummiunneqartumi, nalunaarusiaq nalunaarusiap ilaatut saqqummiunneqarpoq.

Malitsigisaanik 2018-imi maajip qaammataani Aningaasaqarnermut Siunnersuisoqatigiit ”Mittarfiit pillugit ataatsimut suliasat inuiaqatigiit aningaasaqarnerannut sunniutissaat” pillugit allakkiaminni, Kangerlussuarmi mittarfiup 2810 meterisut takitiginerata pigiinnarneqarnissaanut iluaqutaanngitsumik Deloitte-p 1 mia. koruunit sinnerlugit kukkussuteqarsimanera uparuarpaat.

Deloitte-p nalunaarusiamini Aningaasaqarnikkut missingersuutit aamma inuiaqatigiit aningaasaqarnerat immikkoortinngilaat. Rambøll-ip nalunaarusiaminni taakkoqqissaat aamma immikkoortinngilaat, Aningaasaqarnermullu Naalackersuisoqarfiup pisortaata aamma immikkoortinnagit, aamma Ineqarnermut Attaveqatigiinnermullu Naalackersuisoqarfiup naamik.

Kangerlussuarmi mittarfimmut tunngatillugu inuiaqatigiit aningaasartuutissaat pineqartillugit, Namminersorlutik Oqartussat Kangerlussuarmut tunngatillugu aningaasartuutissaat nalunaarusiani taakkunani tamani, atorfilittaniillu ilanngunneqartarput. Kisianni mittarfinngorsinnaasunut tunngatillugu aningaasartuutissat tamakkua ilanngunneqarneq ajorput. Tamanna Namminersorlutik Oqartussat kingullertigut nalunaarusiaanni naatsorsuutit Kangerlussuarmut ajornerulersitsillutik, mittarfissanut iluaqutissanngortitsillutik pingaaruteqartumut kukkuneruvoq. Kisianni taakku kukkunerupput.

Mittarfiup nutarterneqarnissaani aningaasartuutit qaffasinnerpaallutik 458 mio. koruunimiitsillugit kommunip allaffeqarfiata SWECO-p nalunaarusiaa innersuukkaangagu, Naalackersuisoqarfimmi

pisortaq isumaqataaneq ajorpoq, tassanimi Namminersorlutik Oqartussat/Mittarfeqarfiit unnuisarfiit, inissiat pilersuiviillu nutarterneqarnissaat ilannguttaramigit. Inatsisartuni ilaasortap Siverth K. Heilmann-ip § 37 naapertorlugu Kangerlussuarmut tunngatillugu apeqquteqaataanut (nr. 178, 2018) Ineqarnermut Attaveqaqatigiinnermullu Naalakkersuisoqarfiup akissuteqarnermini tamanna aamma kukkussutigaa. Inuiaqatigiit aningaasaqarnerinut kinguneqaatissat misissuiffiqissaarneqarnerini aningaasartuutissat taakku sooq Kangerlussuarmuinnaq tunngatillugu ilanngunneqarnersut apeqquteqaammut Namminersorlutik Oqartussat ima akissuteqarput: "Qaqortumi, Nuummi Ilulissanilu mittarfiliornissanut atatillugu matuma siuliani taaneqartunut aningaasartuutissat ilanngunneqanngillat, taakkununga aningaasartuutissat namminersortut aningaasaliinerisigut matuneqarnissaat naatsorsuutigineqarmat". Pisortat namminersortulluunniit pineqaraluarpataluunniit, inuiaqatigiit aningaasaqarnerinut misissueqqissaarinermi inuiaqatigiit aningaasartuutissaat ilanngunneqartussaapput.

#### Atuilluartuunissakkut kingunerisinnaasat

Suliniutit pisariaqartut pillugit illuatungeriit suleqatigiillutik ingerlatsippata aatsaat, Kalaallit Nunaanni atuilluartumik ineriartorneq pissaq. Kinaassusersiorluni paasissutissat, kukkusumik naatsorsuutit iliuitsillu aallaavigalugit nunap attaveqaqatigiinnerata ineriartortinneqarnissaa aammalu mia. koruunit arlallit aningaasaliissutigineqarnissaat atuilluartuunngilaq.

#### Aningaasaqarnikkut allaffissornikkullu kingunerisinnaasai

Pingaarnertut assartuussineq pillugu attaveqaatit Namminersorlutik Oqartussat akisussaaffigaat, taamaattumillu Qeqqata Kommunanut toqqaannartumik aningaasaqarnikkut allaffissornikkullu kinguneqartussaassanngilaq. Mittarfeqarfiit pillugit attaveqaqatigiinnerup nutaap Qeqqata Kommunanut toqqaannanngitsumik annertoorujussuarmik aningaasaqarnikkut kinguneqartitsisinnaavoq. Kangerlussuarmi takornariaqarneq nunatsinni annerpaartaavoq imaluunniit annerpaartaata tulleraa. Tamatuma saniatigut Arctic Circle Trail aqutugalugu Sisimiunut pisuunnaat imaluunniit ukiukkut qimussit, qamuteralaat, ujakkaarutit fatbike-illu atorlugit ingerlaartarput, tamannalu Sisimiuni takornariaqarnermut pingaarutilerujussuullutik.

Ilanngullugu Air Greenland naapertorlugu timmisartornermut akigitat immaqalu sullissinermut isumaqatigiissutit qaffasinneruppata, Maniitsumi ineriartortitsiniarneq ajornerulissaq.

Ataatsimut isigalugu inuiaqatigiit aningaasaqarnerinut eqqortumik misissueqqissaarinerit takutippaat, mittarfiit nutaamik aqqissuuteqqinneqarneri peqqutaallutik qularnanngitsumik nunami angallannikkut attaveqaqatigiinneq imminut atajunnaassannguatsiarmat, minnerpaamillu inuiaqatigiit aningaasaqarnerat eqqarsaatigalugu akisunerulertussaammat, illersorneqarsinnaangitsoq qallilluinnarlugu aningaasaqarnermut kipusoortitsissasoq. Nunat tamalaat akornanni timmisartuussinerni Nuuk kisiartaalluni miffigineqartassappat – aasaanerani qaammatit pingasut eqqaassanngikkaanni – nunami takornarialerinerup isasoornissaanut aarlerinarsinnaasoq annertoorujussuavoq. Narsarsuup ukioq kaajallallugu nunat tamalaat akorngini timmisartuussisarnernut atorneqartarnerata unitsinneqarneratigut, Nunatta Kujataani takornarialerinerup allarluinnarmut saanneratulli, takornariarneqarnerpaasartuni Ilulissani Kangerlussuarmilu takornarialerineq ernumanartumut inississapput.

#### Allaffeqarfiup naliliinera

Allaffeqarfiup nalilerpaa, inuiaqatigiit aningaasaqarnerinut tunngatillugu misissueqqissaarisarnernut Namminersorlutik oqartussat amigartumik ilisimasaqarnerat annertuumik ajornartorsiutaasoq.

Kalaallit Nunaata aningaasaqarneranut ajorseriaataasussamik, ajornartorsiulersitsisussamillu politikkikkut aalajangiisoqarnissaanik kinguneqarsinnaavoq. Piffissap ingerlanerani nunap aningaasaqarneranut pingaaruteqartorujussuullutik aalajangiinissani, aningaasaqarneq pillugu nalunaarusiat kukkusut aallaavigalugit aalajangiisarnerit, nunamut tamarmut ajunaarnersuartut taaneqapajaarsinnaapput.

#### Allaffeqarfiup innersuussutaa

Suliaq Aningaasaqarnermut ataatsimiititaliamut Kommunalbestyrelsimullu paasissutissatut saqqummiunneqarpoq.

#### Aningaasaqarnermut atatsimititaliap suliamik suliarinninnera

Ataatsimiititaliap septembarip 18-iani 2018 ataatsimiinnermini paasissutissiissut tusaatissatut tiguva.

#### **Innersuussut**

Aningaasaqarnermut ataatsimiititaliap Kommunalbestyrelsimut innersuussutigivaa paasissutissiissut tusaatissatut tiguneqassasoq.

#### **Aalajangiineq**

Paasissutissiissut tusaatissatut tiguneqarpoq.

#### **Ilanngussaq**

1. 2018-imi februaarip 22-ani kommunalbestyrelsip ataatsimiinneranit imaqarniliaq, imm 14.
2. Aningaasaqarnermut Naalakkersuisoqarfiup pisortaata borgmesterimut kommunimilu pisortaanermut 2018-imi februaarip 22-ani allagaa
3. Borgmesterip Aningaasaqarnermut Naalakkersuisumut 2018-imi maajip 17-iani allagaa
4. ”Kangerlussuarmit mittarfik 2017” pillugu SWECO-p 2017-imi oktobarip 30-ani nalunaarusiaa
5. ”Fem scenarier vedrørende Kangerlussuaqs Fremtid”, Rambøll-ip 2018-imi apriliip 20-ani saqqummiussaa
6. ”Mittarfiit pillugit ataatsimut suliassat inuiaqatigiit aningaasaqarnerannut sunniutissaat”, Aningaasaqarnermut Siunnersuisoqatigiit 2018-imi apriliip 20-ani saqqummiussaa.
7. Siverth K. Heilmann-ip 2018-imi § 37 naapertorlugit Kangerlussuarmit tunngatillugu apeqquteqaataanut nr. 2018\_178-imut Namminersorlutik Oqartussat 2018-imi aggustip 29-ani akissuteqaataat.

**Imm. 09      Ataatsimoorussamik Atammik/Napasok nunaqarfinni aqutsisuniit Naja P.  
Josefsen-ip tunuarnissamik qinnuteqaataa**

*Journal nr. 01.01.03*

Tunuliaqutaq

Ataatsimoorussamik Atammik/Napasok nunaqarfinni aqutsisuniit Naja P. Josefsen augustip 20-ani 2018-ani tunuarnissamik allakktatigut qinnuteqarpoq.

Tunuarniummut qinnuteqarnermut peqputigineqarpoq Atammik-miit nuuttussaaneq, taamaalillunilu qinersivimmi qinigaaffigisani qimattussanngorlugu.

Maleruagassatigut tunngavissat

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. november 2016-imeersumi § 54-imi, (qinersinermi inatsimmi) allassimavoq:

*§ 54. Ilaasorta qinigaaffiup iluani kommunalbestyrelsimit tunuarniarluni qinnuteqarpat, kommunalbestyrelsip aalajangissavaa qinnuteqaat taamaattoq akuerineqarsinnaanersoq.*

*Imm. 4. Ilaasorta qinersivimmi najugaqarunnaarallarpat kommunalbestyrelsip aalajangersinnaavaa pineqartup qinigaasinnaanini annaasimanngikkaa, taamaalillunilu kommunalbestyrelsimit ilaasortaajunnaarallaannassalluni qinersivimmi aalajangersimasumik najugaqaqqilernissami tungaanut.*

Aqutsisuni ilaasortanut inatsit aamma atuuppoq.

Pissutsit atuuttut

Sinniisussat allattorsimaffiat malillugu Siumumi sinniisussaq siulleq tassaavoq Jens Kristiansen, Napasok.

Allaffeqarfiup innersuussutaa

Qullersaqarfiup borgmesterimut innersuussutigissavaa tulliuuttut akuereqqullugit

- 1) Naja P. Josefsenip ataatsimoorussamik Atammik/Napasumi nunaqarfinni aqutsisuniit 31. augustip 2018-imiit tunuarniutaa akuerineqassasoq, qinigaaffillu 2017-2021 naanginnerani Atammik-mut uteqqissagaluaruni ilaasortanngooqqinnissani qinnutigisinnaavaa.
- 2) Jens Kristiansen ataatsimoorussamik Atammik/Napasok-milu nunaqarfinni aqutsisuni septembarip 1-ani 2018 ilaasortanngussasoq.

Borgmesterip aalajangiinera

Kommunalbestyrelsi sinnerlugu 7. September 2018 borgmesterip innersuussutigineqartut akuersissutigivai.

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq,

**Innersuussut**

Suliaq Kommunalbestyrelsimut paasisutissiissutitut saqqummiunneqarpoq.

**Aalajangiineq**

Paasissutissiissut tusaatissatut tiguneqarpoq.

**Ilanngussat**

1. Naja P. Josefsenip 20. august 2018 tunuarniarluni allagaa.
2. Ataatsimoorussamik Atammik/Napasq nunaqarfinni aqutsisuni sinniisussat allattorsimaffiat.

**Imm. 10 Tamalaat**

Sisimiuni perorsaasut peqatigiiffiat akerliussutsumik aqagu takutitsiniartut borgmesteri ilisimatitsivoq.

Hans Frederik Olsen, Affaldsregulativ kingulleq eqqarsaatigalugu paasisitsiniaanissaq soqutigintippaa.

Borgmesteri ilisimatitsivoq Simon Simonsen-imik mittarfiit pillugit oktobarimi Kangerlussuarimi ataatsimeeqateqassalluni.